

# KUYABUYA KWIINDILILA CILAWO



Katu ciimvwi kwakaindi kaniini.

Oyandwa Leza, tuli kkomene kuli Nduwe nkambo ka coolwe eci cimbi kwi ima mu ng'anda ya Leza aku komba Leza upona. Twa kabomba kapati kuti tu cipedwe coolwe eci mu cisi. Elyo lino tuli lumbide nkambo ka bantu aba basyomeka, akwalo, Mwami, abo baboola kwa mamaile manji, mamaile ali myaanda, bunji bwabo. Elyo bamwi babo bayo sola ku—ku talika lweendo lwabo kujokela, sunumasiku, kunselelo mu lweendo lulamfu, kulanduka migwagwa. Leza, Nda komba kuti Uyo oba abalo a ku bagwasya. Ba sololele, O Taata. Twa Ku lumba ku kusansaila kuniini kwa mvula oko kwa tontozya muuwo kuli ndiswe, aniini.

<sup>2</sup> Elyo, Taata, twa komba kuti Uyo swaangana andiswe sunumasiku mu Ijwi Lyako. Nkambo, nke kaambo nco twa bungana, Mwami, nku kuswaanganya Yebo mu Ijwi. Ko tugwasya, Mwami, kuti kubungana kwesu kukabe kwa mpindu ku Bwami Bwako, akuti tuka gwasigwe loko, kutegwa tuka gwasye bamwi. Kopa zintu ezi nzi twa lomba, mu Zina lya Jesu. Amenii.

Inga mwakkala.

<sup>3</sup> Kuba buyo akubuziyanya kwakumbali kuniini omuya. Elyo muswaangano kautana talika, Billy wandipede i—i minji yayo kusikila tii Nda—Nda ziba nzila yaku talikilawo. Pele tu komba kuti—kuti Leza uyo muleleka kukulyaaba kwanu kwa kukkala ku kuswaangana kwa kumangolezya.

<sup>4</sup> Lino, Leza nawayanda, Munsondo mutobela cifumo Ndi nojisi i—i kuswaangana alubo. Nda kanana buyo ku mweembeli, alimwi cili kabotu ambabo.

<sup>5</sup> Elyo lino Nda lombozya ni Nda lijisi ciindi ca kuziba oonse mweenzuma mubotu Ngwe jisi omuno, pele Ndi lizi mula lindila. Ku lapyo. Elyo Ndi—Ndiyo sotoka buyo ciindi eco, a—a kwaamba buyo ceeci, “Leza amulongezye.”

<sup>6</sup> Nywebo mulizi, Ta ndijisi nociba cintu cipati eco kufumbwa muntu neanga wandilomba, kwiinda kuti, “Leza amu longezye.” Mwabona? Ikuti na Uyo cita eco, nkukoonse Nkwe yanda, obo buyo—buyo. Ndi yeeya kuti elyo nde bbala pati kwiinda mu i—i musyobo wakwaamba, “Leza amu longezye.” Elyo, lino, Ndi lizi Ula cita.

<sup>7</sup> Elyo mbuli Mbwe ambide ku mukaintu ciindi ciniini cainda. Ndali—Ndali kusola kusamba, Nse konzya kuyuma. Ndali—Ndali kuyuma, elyo mpawo Nda teta alubo. Ndali kuyuma, elyo Nse konzya kusama syaati lyangu, nokuba. Elyo kuliindene aniini mu Tucson. Kwalo kulapya ziindi zzyobilo kuli kooku,

pele mpawo to—to elede kuzwa nkasaalo nokuceya. Takukwe—takukwe mudumo mu muuwo, aboobo ula iyumya kufwaambana mbozwida buyo aanze. Wa sibika mpani yamaanzi, elyo yayuminina. To konzyi kuzwa nkansaalo, nkaambo kula igwisya kotana—kotana—kotana gusya nkasaalo. Ulazwa nkasaalo, yaa, pele toiboni. Aboobo, okuno, Ndali kusola kuba aciindi cilamfu kuyuma. Aboobo, elyo Ndi—Ndi limukuteta lino.

<sup>8</sup> Kujokela mukaanda okuya, elyo twajisi bantu bali ciloba na lusele mukati, abo babindeene, alimwi abo beelede kubonwa caku fwambaana.

<sup>9</sup> Lino, kaambo Nce muyandila nywebo kukkala, aku mulomba ku—ku boola, nkaambo kakuti Ndi—Ndi limvwa kuti nca—nca mpindu kuli ndiswe. Ni—Ni ndatacita eco, beenzuma. Ndi—Ndi yeeya maningi kujatikizya ndinywe, ku cita ceeco, kuboola buyo ku—kumvwa muntumwi, na kuswiilila kuli ceeco Nceli kuyo wamba, na cintucimwi. Ni—Ni ndatacita eco. Eco inga tiicaba kabotu. Inga tica tondezya luyando lwangu kuli ndinywe, kuboola buyo mbuli boobo. Elyo Nse syomi kuti muboola. . . Nokubakuti, Ndi lizi mula ndiyanda, mbuli Mbwe muyanda. Elyo—elyo aboobo Ndi—Ndi—Ndi lizi obo, nape nimwa tali kucita zintu nzo mucita. Aboobo Ndi yeeya kunji kujatikizya ndinywe, kuti inga Ti ndamulekela kukkala mu kupya azintu, mbuli boobu, ikuti na Ni ndatali kuyeeya kuti cali cintucimwi caku mugwasya.

<sup>10</sup> Mpawo, Nke tana boola okuno, lyoonse Nda sola kububotu bwangu, Leza katana, ku bweza cintucimwi ciniini, i Lugwalo lwa nzila imwi, akulomba kusololelwa Kwakwe, cintu camamanino nketana unka. “Gwasya, Mwami Leza, bumwi, kopa—kopa koonse Nko konzya kuli mbabo bantu bayandwa.”

Elyo Nda langila, aku syoma, kuti lyoonse Ndiyo kkala andinywe. Ndi syoma kuti obu mbo busena bufwaafwi mbotu jisi, notu ciimvwi antoomwe mbuli boobu. Tu yooba antoomwe mu Kutamani. Mwabona? Nda cita obo. Nda—Nda—Nda syoma obo.

Elyo Ndi yanda ku mugwasya. Elyo Ndi, ikuti na Nda amba kufumbwacintu cilubide, Taata wa ku Julu ulizi kuti tacili mbubo nkaambo Nda yanda ku cicita; nku kaambo kakuti Nda cicita mu kutaziba; inga Nda cicita mu kutaziba.

<sup>11</sup> Aboobo, kuziba kuti muli mulimo wangu, alimwi kumaanza angu, ku Makanimabotu, lyoonse Ndiyo yanda ku mubikka mwini mu mapeeji aa Bbaibbele. Elyo—elyo Nda. . .

Ziindi zinji bantu bala boola kuli ndime, akuti, “Mukwesu Branham, ikuti na uyoseluka buyo awa a kuti ‘MBUBOBU MBWAAMBA I MWAMI’ ku mwana wangu muniini oyo ucisidwe, uyoba kabotu. Koya buyo okuya akwaamba buyo kuti, ‘Uyo oba kabotu.’ Nkukoonse oko Nkwe muyanda ku cita.”

<sup>12</sup> Lino, eco ncabulemu a ciyandisi. Obo Mbwe cilumba eco! Pele, nywebo mulizi, Nse konzyi kucita ceeco kusikila Wa ndaambila, lutaanzi. Mwabona? Nda konzya ku kombela mwana, kucita koonse Nkwe konzya.

Pele, nywebo mwabona, ino kuti Nda kaunka okuya kungsi lya kuyandisya kapati kwangu akwaamba boobo? Mwabona, ikuti Nda kati, “MBUBOBU MBWAAMBA I MWAMI,” inga ncobeni kwaba buyo kuti mbuboobu mbokwaamba kuyandisya kapati kwangu. Mwabona? Mwabona? Elyo mpawo inga ca citika, alimwi inga tica citika. Pele, mpawo, ino kuti muntu oyo nguwenya uli kungsi lya kuyandisya kapati kwangu, elyo tica citika? Mpawo, muntu oyo inga waba mu i—i ciimo caakati ka buumi alufu, mpawo nkokuli kaanzambwene kabo nkoka yoobeda? Bayo yoowa kuti Ndi noli kungsi akuyandisya kapati alubo. Mwabona?

Aboobo, cindi Nda caamba, Ndi yanda kuba masimpe kuti cili luleme, akoonse Nkwezi. Elyo mpawo cindi Akanana kuli ndime, Ndi konzya buyo kwaamba ceeco Nca nditondezya. Kufumbwa ncibotu na ncibi, Nde elede ku caamba. Elyo ziindizimwi taci—taci botezyi kwaambila bantu zintu ezyo. Pele, nokuba, Ndi laangidwe ku mulimo ku kwaambila bantu i—i zintu zibi ezyo ziyo bacitikila, mbuli Mbwe angidwe ku mulimo waku baambila zintu zibotu ziyo bacitikila.

<sup>13</sup> Elyo, kwamana zyonse, tuyanda luyando lwa Mwami. Ciindicimwi luyando lwa Mwami luliimpene ku makanze esu. Pele, nokuba, ikuti na tuyanda luyando lwa Mwami, nciyandisi buyo kuziba kuti bubi buyo tucitikila, ikuti na nduyando lwa Mwami. Nokubakuti ncibotu na ncibi, nduyando lwa Mwami ndotu yanda ku citwa. Alimwi Ndi lizi tucilanga mu nzila eyo.

<sup>14</sup> Lino, Ndi—Ndi lizi bakwesu okuno kanjikanji bajisi mulumbe kwa maminiti ali makumi otatwe, maminiti ali makumi obilo ku makumi otatwe mu Nsondo masiku. Elyo Ta—Ta ndizi kuti na Nda konzya ku cita eco na pe, aboobo Ndi—Ndi yocita buyo ku bubotu Nkwe konzya.

<sup>15</sup> Lino, Ndi yeeya kuti kuli muswaangano wa lubbizyo mpoonya buyo kwamana buyo kooku. Nda mvwa kuti babbizya nkamu mpati ya bantu cifumo cino. Kuzumanana, kuli lubbizyo lucitika okuno, ciindi coonse. Bakutausi, ba Methodisti, ba Baptisti, Presbyteria, mbungano ya Leza, bana Luther, kufumbwa mboibede, bala boola aku bbizigwa mu Zina lya “Mwami Jesu Kristo.”

Elyo kumbele lya Leza, cindi Nda yandika kwiima ku Mungwala wa Lubeta, Nde elede ku cipeda bwiinguzi eco. Elyo ikuti na Ni ndali salalidwe mu miyeeyo yangu, ya kuba akululamikwa mu zintuzyonse mu buumi bwangu mbuli Mbwe bede kuli ceeco, inga Nkeli bambilide ku Kukwempwa ndyoonya

lino, nkambo Ndi lizi kuti Makanimabotu aa Bwini. Mwabona? Obo Mbwini.

<sup>16</sup> Taakwe noluba Lugwalo lomwe mu Bbaibbele omo kufumbwa muntu mpa kabbizigwa mu nzila imbi kunze lya Zina lya Jesu Kristo. I malailile a “Taata, Mwana, a Muuya Uusalala,” nga biyo. . . “Amwiinke, mukayiisye zisi zyoonse, ku babbizya mu Zina lya Taata, Mwana, Muuya Uusalala.” Kutali mu i. . . kutali kwiita mabande aya ali mbabo; pele ku babbizya mu *Zina* lya Taata, Mwana, Muuya Uusalala, oyo uli ngu “i Mwami Jesu Kristo.”

<sup>17</sup> Bantubonse mu Bbaibbele baka bbila mu Zina lya Jesu Kristo. Elyo Bbaibbele lya kaamba, kuti, “Kufumbwa oyo uyo gusya Ijwi lyomwe kuzwa muli Ndilyo, na kuyungizya jwi lyomwe kuli Ndilyo, mu nzila kufumbwa, maawe kuli mbabo.” Aboobo Ndi jisi kunji Nkwe elede kuyoowela, kunze aakuyungizya na ku Li gusya kuzwa mu Lugwalo.

Cindinjizya mu penzi ziindi zinji, pele Nda kkala mpoonya awo. Walo mbukwabilizi bwangu. Candibamba kwandaana kuzwa ku beenzuma banji. Bazwa kuli ndime nkaambo ka ceeco. Pele kufumbwa buyo kuti Nke bamba Mweenzuma oyu awa, i Mwami Jesu! Elyo Walo ndi Ijwi. Kunyina makani, nzila mboikonzya ku bija, nzila mboili njumu, Uboola mu nzila njiyonya. “Elyo ikuti na baita Mweendelezi wa ng’anda kuti ‘Beezebule,’ ino nkunji buti mboba yoita baabo basikwiya Bakwe?”

<sup>18</sup> Lino Mwami abe andinywe nyoonse akumulongezya kwiinda mu mvwiki yoonse, aku mupa cibotu kwiinda eco Nce konzya ku komba kuti Leza amupe, nku komba kwangu.

Lino tuyo bala kuzwa ku Ijwi liyandisi.

<sup>19</sup> Elyo—elyo lino amuyeeye, alubo, Bwatatu masiku. . . Sa kuli kukomba kwa akati ka mvwiki na kufumbwacintu? [Mukwesu Neville waamba, “Bwabili, kuswaangana kwa mipailo mu kaanda kaniini, Muvulo a Bwabili masiku.”—Mul.] Muvulo a Bwabili masiku nku swaangana kwa mipailo mukaanda kaniini. Nda yeeyela bantu balizi.

<sup>20</sup> Mukwesu Junior Jackson, sa nkwali mu buyake? Nda. . . Mukwesu Jackson, Ta ndi. . . [Mukwesu Neville waamba, “Iyi, nkoonya okuno.”—Mul.] Nkwali okuno, Mukwesu Jackson. Yaa. Nda—Nda. . . Uumbi Mukwesu Jackson okuno, Nda. . .

Elyo Mukwesu Don Ruddell, sa nkwali mu buyake sunumasiku? Mukwesu Don, okuno.

Elyo bunji bwa bakwesu bamwi, Ndi bona bakwesu okuno bazwa ku Arkansas, aku Louisiana, a—a masena aindene kuzunguluka cisi.

<sup>21</sup> Elyo Ndi jisi bamwi, bakwesu bapati okuno sunumasiku, akwalo. Ndi jisi Mukwesu Thomas Kidd ukkede okuno ku lulyo,

uyoba amyaka ili makumi ali lusele ayone yaku komena mu mazuba masyoonto. Elyo kutandila myaka yotatwe na yone yakainda, kaandulwa ku penzi lya subilo, alimwi wakali kufwa ku kkulenge. Dokotela waka mulazikide buyo kuti afwe. Elyo Nda kazotandila kujaya mootokala wangu wakaindi, kusika kuli nguwe, kutala mu Ohio. Elyo Mwami Jesu wa kamuponya loko akuba kabotu. Elyo ngooyu, walo a mulongwenyina muniini, sunumasiku. Elyo bunji bwanu muli bazi; ambweni bamwi taba bazi. Pele ngooyu mwaalumi a mwanakazi abo bakali ku kambauka Makanimabotu Nke tana zyalwa. Amu ciyeeye, elyo Ndili mudaala. Mwabona? Lino, alimwi Nda langa ali mbabo, elyo balo ba ciyakuya, mpawo Ndi jana kuyumizigwa.

Oonse wesu ulimuzi Mukwesu Bill Dauch ukkede okuno mu kkona.

<sup>22</sup> Elyo, oh, obo mbotu lumba kuli zyoonse zilongezyo zya Leza! Aku zumanane kuba andiswe mane oyo mweembo wa mamanino waku lila alimwi, nywebo mulizi, “Tuyo tolwa antoomwe, kuyo swaana Mwami mu mulengalenga.” Amu ciyeeye! Kwandaana abantu, tabakonzyi ku mubona limbi, pele mwaba antoomwe ankamu imbi.

“Abo bayosyaala bala pona mane ku Kuboola kwa Mwami taba kakasyi, na kusinkila,” i bbala ndya kuti, “abo boona,” kutali bafwide. Peepe, Banakristo tabafwi. Bali muku lyookezya buyo kuniini, mwabona. Kwamana. Oh, ma! “Elyo mweembo wa Leza uyo lila; elyo bafwide muli Kristo bayo buka lutaanzi,” kulibonya ku banji. Elyo oonse aciindi comwe, wa citika kwiimikila aku langa, elyo, ee, nguulya mukwesu, alimwi nywebo mulizi tali koolampa. Mu maminiti masyoonto, “Tuyo cinwa, mu kaindi kaniini, mu kulaba kwa liso. Elyo antoomwe ambabo, kusweeka anyika, kutolwa kuyoswaana Mwami mu mulengalenga.”

<sup>23</sup> Elyo, kuyeeya, azyoonse nzitwa bona mu Magwalo, aku simpikizigwa kumaninide kwa oora elyo ndyo tuponamo, kulakonzya ku citika kuswaangana kaku tanamana, amu yeeye buyo kwa ceeco, busiku obu.

Mpawo, kwiinda kuli ceeco, tu swenena Ijwi Lyakwe, mbuli mbotu jula ku Bahebrayo cipati 13, elyo tuyo bala kuzwa ku kampango ka 10 kusika ku 14. Ka Bahebrayo 10 a . . . na, na amu ndijatile. Bahebrayo 13:10 kusika ku 14.

<sup>24</sup> Lino, mbuli Mbwe ambide, swebo, cindi notupa bulemu ku ndembela yesu, calo cili kabotu, Ndi . . . Tula imikila lyoonse cindi notupa bulemu. Elyo ziindi zyoonse zimwi zipati zicitika, tu—tu laima mu bulemu ku, na ku saliyuta, azimwi zimbi, ku cisi cesu. Elyo cindi bano lizya *I Lwiimbo Lwa Cisi*, tulaima nji.

<sup>25</sup> Mbuli basikalumamba Banakristo, atwiime nji cindi twano bala Ijwi lya Leza. Amuswiilisisye mbuli mbo tubala Ijwi. I kaambo Nce yandisya ku Libala; majwi aangu inga akakilwa,

pele Aakwe takakakilwi. Aboobo ikuti na Nda bala Ijwi Lyakwe, lilikke, muyo longezegwa. Kampango 10 ka cipati ca 13 ca Bahebrayo.

*Tu jisi cipaililo, kuli ncico taba jisi nguzu kulida abo bakutaukila mu cikombelo.*

*Nkambo mibili ya banyama abo, bala bulowa buletwa mu busena busalala ku mupaizi mupati nkambo ka cibi, bula umpwa aanze lya cilawo.*

*Oko Jesu awalo, kutegwa asalazye bantu a bulowa bwakwe bwini, kapenga aanze lya mulyango.*

*Aboobo atwe nde kuli nguwe aanze lya cilawo, katuyumwine masampu akwe.*

*Nkambo kuno tatu jisi munzi uzumanana, pele tu langila umwi kusika.*

<sup>26</sup> Mwami Leza, Yebo omukamwini wa Ijwi eli, alimwi omukamwini waku Li bamba kunselelo kwiinda mu makkalo, kubona kuti Lya sika kuli ndiswe kalitakwe bubu. Lila salala, Ijwi lya Leza lina kalindu. Tula Li yanda loko mu myoyo yesu mu kaindi aka. Anda anya cibalo eci, Mwami, mu mutwe wa makani kuli ndiswe, sunumasiku; kutegwa swebo, bana ba muntu, konzye kumvwisya akuyanda kwa Leza. Nkambo twa cilamba mu Zina lya Jesu. Amen.

<sup>27</sup> Ciiyo cangu ca i—aya mangolezya nca kuti: *Kuyabuya Kwiindilila Cilawo*. Nciiyo ciniini, cigambya aniini, pele, nywebo mulizi, kanjikanji tu jana Leza mu zintu zigambya. Nyika injila kukkala mu cintu caciyanza, kusikila, kufumbwacintu citali ca lyoonse kuzwa kubweende bwa lyoonse, caba cigambya.

Mbuli Mbwe kakambauka okuno mazuba masyoonto aanda, okuno ku cikombelo, a: *I Cigambyo*. Elyo mulimi ncigambyo ku muntu simpindu; muntu simpindu ncigambyo ku mulimi. I Munakristo ncigambyo ku musyo- . . . utasyomi, azimwi zimbi. Weelede kuba mufubafuba wa umwi. Aboobo, kufumbwa cintu citali calyoonse, ciku bamba kubaanga mufubafuba, ku i—i bweende bwa lyoonse.

<sup>28</sup> Elyo aboobo, bantu ba Leza, a basinsimi Bakwe, a Bakwe—batumwa Bwakwe kwiinda mu bukkalo, abo bakatola Mulumbe Wakwe kuzwa ku Ijwi, bakali kulanganisigwa kuba bafubafuba, kuli baanze.

<sup>29</sup> Nowa wakali mufubafuba, ku nyika mpati yakasumpukide eyo nja kali kukambaukila. Nowa . . . Wa kali mufubafuba ncobeni, kuli Farao; acituta cakwe acuuno ca bwami elyo mpawo akuukaka, nkambo ka cikama ca basikukanda daka, mbuli mboba kali kuyeeya. A Jesu wakali mufubafuba, ku bantu. A boonse bamwi babo abo baka beleka aku ponena Leza, ba

kalanganisigwa kuba bafubafuba. Beelede kuyakuya kwiindilila cilao eco nciba kajisi.

<sup>30</sup> Kunji akunji, Nkwe bambwa kusyoma kuti bantu taba siki kuli Kristo.

Lino, Ndili waano kusoleka kugwasya kufumbwa mu nzila Nje konzya, kusalazya kabotu kaambo kangu mbuli Mbwe zyi nzila yaku tubamba. Elyo amucite andime ikuti na muyo cita.

<sup>31</sup> Mbuli Mbwe langa aku kambauka kulanduka cisi, aku langilila bantu, Ndi—Ndi lilamidwe caku maninina kuti bantu tabali mukusika kuli Kristo. Alimwi Ndi syoma kuti ngu sinkondo oyo wabikka cisikkila. Nkaambo, ikaambo Nce syomena boobu, Tali cintu eco nciba katondekelwa nkuko. Ambweni batondekelwa ku i—i—i kayanza, na njiisyo, na i pobwe, na luzibo, a kweezeezya, na cintucimwi mbuli ceeco, abusena bwa kutondekelwa kuli Kristo, i Ijwi.

Ako nkekaambo Nce yeeya kuti bantu bayaamina mamanino abo Atamani atala akayanza kamwi, na kweezeezya kumwi. Mbuli, bamwi balati, “Nda kazyana mu Muuya. Nda—Nda kakanana a myaambo. Nda—Nda—Nda kamvwa mulilo kuzuzaana ali ndime.” Elyo sa mulizi, zyoonse ezyo zilakonzya kucengezegwa a dyabulosi?

<sup>32</sup> Kuli buyo cintu comwe eco nca takonzyi kulicengezya, elyo ndi Ijwi. Mu kukazyanya, akati kakwe a Jesu, ciindi acindi Jesu wa kamuzunda. “Kuli lembedwe,” i Ijwi!

Elyo Nda syoma, sunu, kuti kaambo bantu ncoba tabooli kuli Kristo, nkaambo kakuti batondekeledwe, bunji bwabo, ku i—i—i kabungwe. “Boola sangana mbungano yesu.” Na, “Bala katikisimu yesu,” na, “Syoma njiisyo yesu,” na—na ciyanza cimwi. Ba tondekelwa mu nzila ilubide. Elyo micito yabo abuumi obo mboba pona kakunyina Kristo, latondezya mu buumi bwabo beni, bula simpikizigwa acintu nciconya.

<sup>33</sup> Mu mukozyanyo. Nse yandi kunyemya kulimvwa kwa umwi. Pele, kusule akumbele, kulanduka cisi, Nda kapa mulandu banakazi kuba a masusu mafwaafwi. Elyo ndi Bbaibbele. Nda kapa mulandu banakazi kusama zibbudula, kubelesya zyakuli panga. Elyo mwaka amwaka ciya kwiindila. Citondezya kuti kuli munwe umbi, kubusena bumwi, kubatondekela nzila imwi imbi. Elyo taba siki kuli Kristo.

<sup>34</sup> Elyo balati, “Tuzulilwa ku mbungano. Mbungano yesu ta. . .” Tayiindani aceeco mbungano yanu ncoisyoma.

Leza wakati, “Cili lubide.” Elyo ikuti niba kacita kusika kuli Kristo, inga baleka kucita eco. Elyo, kutali ceeco buyo, muntu inga wabweza busena bwakwe ikuti na waunka kuli Kristo, akulwana ceeco. Bamaalumi inga tibalekela bamakaintu babo kulilemeke mbuli boobo. Bamalumi beni tabayandi bamakaintu babo kulilemeke nzila eyo.

<sup>35</sup> I mulombwana muniini okuno mu dolopo, buzuba bumwi, katandila ku jaya balombe bobilo. Ba kali kokuya kubikkilwa mungwimba kumwi. Nywebo nobantu baku Jeffersonville mwaka cibona mu pepa. Elyo oyu musimbi muniini kainda kubikkilwa mungwimba, katakwe nca kasamide, kunyina, nokuceya, elyo baalumi bobilo bakakkede okuya bakabamba kwaamba kumwi. Elyo mubelesi katandila kujaya balombe bobilo; alimwi wa ka jatwa nkambo ka ceeco, akubikkwa ku lubeta. Elyo mubetesi kamubuzya, “Nkaambonzi nco...waa sama boobu?”

Wa kati, “Ndi yeeya kuti uli bonya kubota.”

<sup>36</sup> Lino, kuli cintucimwi cilubide a mwaalumi oyo. Nse kwe ndaba kuti na ngu i...Ikuti na ngu sizibi, kuli cintucimwi cilubide anguwe. Luyando lwakwe ku mwanakazi ulya inga tilwaba lwa bwini, akumugusya kuli namola wa babwa mbuli boobo. Kuli cintucimwi cilubide. Sa muntu kuli nakasikide kwiibaluka kuti beelede kwindanya akati ka bubotu abubi?

<sup>37</sup> Sa mwaka bona zyakusama zyakusambya zipya ezyo nzoba leta? Sa mulizi kubona kwangu kuti banakazi kumamanino bayo sika ku matu aa mukuyu, myaka icimakumiotatwe aitatu yakainda? Elyo lino bala jisi abo basama mateo aa mukuyu, misinsi ibalangala. I Ijwi lya Mwami tali kakilwi. Mwabona? Elyo eco cakelede ku citika kakutana ciindi camamanino, kuboola ku tuvya lya mukuyu alubo. Nda kali ku cibala mu *Life* magazini. Eco cakaambwa myaka icimakumiotatwe aitatu yainda, banakazi kaba tanabweza kuwa kwabo. Caka laambidwe obo mboba yoci cita mu buzuba obuno, elyo mpaawa mpo babede. Obo mboba yosama zikobela mbuli mwaalumi, a boobo mbo bayo...Bwaamu bwa mwanakazi mbobuyo lokela mu cisi eci.

<sup>38</sup> Kuni kwa zisi zyoonse ziliko mu inyika, ngu America oyu. Nguu sofweede kwiinda wa cikama. Oko nkwendelana akubwezelelwa kwa myelwe. Kukwatana a kulekana nkunji mu cisi eci kwiinda busena bumwi bumbi mu nyika, elyo azimwi zisi zilalikozyanisya. Twa kali kulikozyanisya kuli France, busofwi atombe lya cisi, aboobo mbobajana kusama kwabo kuzwa kuli ndiswe. Twa ka indilila a ku golela kwabo.

<sup>39</sup> Ndi lizi kuli kaambo kamwi ako bantu nco bata siki kuli Kristo. Ikuti niba cita, niba tali kulilemeka mbuli boobo.

Jesu waka pengana kunze lya milyango, kutegwa Akonzye kusalaza bantu Bakwe a Bulowa Bwakwe Mwini. *Kusalazigwa*, lizwa ku bbala lyaci Griki, mabala, elyo lyaamba, “kusalazigwa, a kubikkwa ambali ku mulimo.” Elyo cindi Leza asalaza bantu Bakwe a Bulowa bwa Jesu, Uba salaza kuzwa busofwi bwa nyika aku babikka ambali ku mulimo.

*Okoko akwalo Jesu, kutegwa aka salazye bantu a bulowa bwakwe mwini, kapenga aanze lya mulyango.*



40 Nokuba ku bantu Bazwide Makanimabotu, bajokela mu mugelo omo mubakazwide. Ino mbungano ya Pentekoste yakali nzi, myaka ili makumi one na makumi osanwe yakainda? Baka singanya, aku nyonyoona, a kusabula mabungano omo moba kazwa, tubungwe. Ino ncenzi nciba kacita? “Mbuli buyo mubwa ku malusi aakwe, a ngulube ku ntimba.” Baka jokela nkoonya cigaminina mu busena mbubonya omo mubaka gusigwa, elyo lino mabungano abo ali mbuli kusofwaala mbuli amwi aabo.

41 Cakali cintucimwi, mbuli Mbwe ambide cifumo cino. Mbuli, bantu bali mbuli Petro wakati, mu Musalali—Musalali Matayo 17:4 kusika ku 8, omo mwakati, “Ncibotu kuba kokuno. Atu yake zikombelo zyoatwe.”

42 Pele Muuya waka bakasya kuti bata ciciti. Kati, “Oyu ngo Mwana Wangu uyandwa; amu Mu mvwide,” alimwi Walo ndi Ijwi. Oyo Ngoguwe nko twe elede kulangako, i Ijwi, kutali kuyandisya kapati kwesu na cintucimwi cimbi. “Walo ndi Ijwi Lyangu; amu Mu mvwide!” Elyo ino ncenzi nciba kabona eli Jwi nilya kamana kukanana kuli mbabo? Nokuba Musa a Eliya tiba kaliko; taakwe nokuba ciyanza; taakwe nokuba cintu caka syeede pele Jesu alikke, alimwi Walo ndi Ijwi. Nkukoonse oko nku bakabona.

Lino, “Kuyakuya kakunyina cilao.”

43 Tu jana kuti a cilawo cabo awo eci mpoca kacitikila, atala a Cilundu ca Kusandulwa, mbuli Petro mbakaciita nikwa kamana, “cilundu cisalala,” awo Mpa kaswaanana ambabo. Lino, Nse syomi kuti muapostolo wakali kwaamba kuti cilundu cakali kusalala; wa kali kwaamba kuti wakali Leza uusalala aa cilundu.

Taili mbungano isalala; tabali bantu basalala. Walo Muuya Uusalala mu bantu. I Muuya Uusalala ula salala. Walo Mweendelezi wanu alimwi Musololi wanu.

44 Elyo tula jana, awa acilao ciniini atala lya cilundu, Kusandulwa, cindi niba kalaililwa kumvwa, i cintu cilikke buyo nciba kalaililwa ku cita kwakali kumvwa Ijwi. Cintu biyo nciba kabona, tica kali ciyanza. Taakwe nciba kabona cimbi pele Jesu, alimwi Walo ndi Ijwi lyakaba mubili.

Obo mbocili cibotu eco, ku cilawo nei conya eco cakali mu muunda wa Edeni. Cindi Leza nakabikka Mbungano Yakwe mu muunda wa Edeni, bantu Bakwe, ba ka jisi bwaanda kukkala kusule; elyo lyakali Ijwi. Ba ka jisi cilikwabilizyo comwe, cilwanyo comwe, cintu comwe, nkaambo Leza wa kalizi eco cakali kuyo zunda dyabulosi, alimwi elyo ndi Ijwi.

45 Jesu waka cita cintu nciconya. “Ndi Ijwi; kuli lembedwe.” Elyo Saatani waka sola ku—ku Li vumbya bubotu, kutali ku Li balulula; ku Li vumbya bubotu kuli Nguwe. Elyo Jesu kati, “Elyo kuli lembedwe akwalo.” Lino, tweelede ku kkala a Ijwi elyo!

46 Elyo omu mu cilawo eci ciniini ncoba kajisi okuya, ca Petro, Jakobo, a Johane; a Jesu, Musa, Eliya. Elyo mu cilawo cabo baka bona mbunga ya Kujulu ya cimvule, na Musumpululu wa Mumuni kaulengelela mu kkumbi eli elyo lyaka sandula Mwami Jesu. Elyo cindi nibakali bambila kubamba kabungwe, komwe ka mulao, alimwi komwe ka basinsimi, azimwi zimbi, i Jwi lya kati, “Oyu Mwana Wangu uyandwa; amu Mu mvwide.” Mpawo, kuli ceeco nciba kalaililwa, cakali mbubonya cigaminina mbuli mbokwa kabede mu muunda wa Edeni, “Amukkale a Ijwi!” Eco ncilawo ca Leza ca bantu Bakwe.

47 Cili bonya, buzuba bubo, kuba buzuba bwa cindi bantu nobayabuya kwiindilila cilawo. Mu zintu zyoonse, bayakuya kwiindilila.

48 Nywebo mulizi, Nda kaambilwa, ciindicimwi cakainda, kuti baka jisi ndeke jeeti lino eyo ikonzya...kupanga coongo eco ncotumvwa kuzunguluka okuno, ezyo zizunganya mpulungwido. Ndeelyo ndeke noibinda loko kusikila yaindilila kweenda kwa coongo, kwiitwa kuti kubalika kwa ndeke mbuli kweenda kwa coongo. Elyo cindi yaunka kwiindilila bweende bwa coongo cayo, itandila kwiindilila kuli ceeco ncoiyo cita.

Elyo Ndi yeeya kuti, omuya, tubweza ciiyo. Cindi notwiinka kwiindilila bweende bwa coongo cesu, mu Ijwi lya Leza, mpawo kuyoyindilila eco Leza nayo cita ku muntu oyo uli bambilide kuyabuya kwiindilila cilawo, cilawo ca muntu, eco ciliko. Lino, twabona kuti, kuyabuya kwiindilila cilawo, kuyakuya kwiindilila ceeci.

49 Ndi bona Saatani, akwalo, kwiindilila cilawo cakuyeeyela, kwiindilila i—i—i—i cilawo ca—ca gano lizizilwe. Saatani kutola bantu bakwe munzila, kwiindilila cilawo; Leza kutola bantu Bakwe kwiindilila, eyi nzila imbi. Elyo Saatani watola bantu abo kwiindilila cilawo ca kulilemeka kabotu kuzibidwe. Cindi casika ku busena obo bantu...elyo lakonzya kulilemeka aku cita, akunjila kwiinda ku zintu ezyo nzo bacita sunu mu bweende bwa kulilemeka. Nkwiindilila miyeeyo yangu ya boobo mwaalumi mbwakonzya kulekela mukaintu wakwe oko, kasamide mbuli boobo, elyo mpawo kuuma muntuumwi lubayi nkaambo kaku mutapatila. Nkwiindilila ku gano lizizilwe. We elede kuziba kabotu kwiinda boobo. Kwiindilila kulilemeka kuzizilwe! Buli kuli busena bwa kwiimina?

50 Umwi mwaalumi a mwanakazi wamusela wangu, inga Nda mubuzya boobu. Ino kuti baama na banyoko, kutandila myaka ili makumi osanwe, niba keenda mu mugwagwa kabasamide zibbudula na tubbikkini, kufumbwa obo mbo muciiita, kusama? Mulao niwa kaba bweza, mponya buyo, a kubabikka mu kabunga kalanganya basondokede. Mulindu kazwa mu ng’anda katasamide zisani zya kutala, alimwi weelede kuba mu kabunga kalanganya basondokede, nkaambo mu maanu kuli cintucimwi

cilubide. Elyo ikuti nicali ca mu maanu ku cita cintu mbuli ceeco mpawo, calo ncobeni naitondezyo cakuti cintucimwi caunka mu kusondoka. Bucili bulwazi bwa kumaano, kuyabuya kwiindilila kuyeeya; kusofwaala!

<sup>51</sup> Elyo cindi mwaalumi akonzya kufweba misanga yatombwe, amadokotela batondezya kuli nguwe kuti bali zyuulu balafwa amwaaka kuzwa ku kaambo, alimwi lakonzya kuunka alimwi ku misanga yatombwe, cilibonya kuti kuli cintucimwi cilubide amizeezo ya mwalumi oyo.

Elyo cindi muntu aba akunyongana mu maano, alimwi ta. . . takonzyi kuliyeeya, eco nca cita, uyo vuntauzya mu ofesi lya dokotela liliko mu cisi, kuziba eco cilubide anguwe. Pele mpawo uyoima amungwala na mu mootokala, akunywa kusikila wasondoka cakumaninina; kusowa mali aakwe, kuzwa muli ceeco. Elyo ikuti na wa citika kunjila kakunyina zyakunywa zikola, mpawo uyo belesya kkobili lyoonse ndya jana, mu ofesi lya dokotela, kusoleka kujana cilubide anguwe. Ta cipangi maanu nokuceya.

<sup>52</sup> Ikuti na kwaboola luunga kaya kuuluka mu dolopo, elyo inga Nda bweza ntobolo yangu, akuunka kusule lya lubuwa lwangu aku dubula luunga, mu maminiti ali kkumi inga Ndaba mu ntolongo. Inga bandi jata, “Nkambo—nkambo ka kutalilemeka kabotu; kubelesya ntobolo mu dolopo; kubikka maumi aa bantu mu ntenda, a ntobolo, kudubula mujulu mu muuwo kuli luunga.” Inga nkeyo jaya muntuumwi, balakonzya kwaamba. “We elede kutandwa.”

Elyo mpawo bayo sambalila mwaalumi zikola zinji kumubamba kukolwa, aku mubikka mu mootokala eyo ikonzya kujaya mukwasyi oonse mbouzulwa. Elyo cindi ajatwa, upa madollar osanwe a ku bbadelesegwa. Mujayi wakakanza! Ino nkaambo nzi ka nyika? Cintucimwi cili lubide kubusena bumwi.

<sup>53</sup> Lino, “kuyabuya kwiindilila cilawo,” kwiindilila kulilemeka kabotu, kwiindilila kweezezya.

Nywebo mulabona, basitunzenyu besu sunu taba kaambi nokaba kaambo kujatikizya kubala Bbaibbele mu cikolo. Bali yoowede. Tabazi kuti nkokuli oko muuwo nko uungila. Ta bazi na bayo sweekelwa vooti, na pe. Tu yandikana Abraham Lincoln. Tu yandikana John Quincy Adam. Tuya ndikana muntuumwi oyo uyo ima, kakutakwe kulanganya kuti nkokuli oko muuwo nko uungila, akupa kulamwa kwabo kusyomekede.

<sup>54</sup> Sunu, mukambausi wakabungwe, nokuba kuti wa mutondezya mu Ijwi, Bwini, tazi eco ca ku cita. Uli libilikide uyo sweekelwa tiketi lyakwe lya cakulya. Tu yandikana bamaalumi abanakazi sunu abo bazwide Makanimabotu, muntuumwi oyo uyo ima akwaamba kulamwa kwabo, kutondeka cili kabotu a cilubide, na Ijwi lya Leza lili luleme na kabungwe kali luleme.

55 Jesu wa kati, “Akube kuti jwi lya muntu onse libe lya bubeji, elyo Lyangu Bwini. Majulu a nyika ziyo loba, pele Majwi Angu ta kalobi.”

56 Aboobo, nywebo mwabona, baunka kwiindilila cilawo ca Ijwi lya Leza, ku jana bwiinguzi bwabo. Tu...wa kali... kaba kombelezya kuzwa ku cilawo ca Ijwi lya Leza, mbuli mbwa kacita Eva mu muunda wa Edeni, Saatani wa cita cintu nciconya sunu. Yaa. Tu jana boobo. Bantu bala sungilizigwa ku tuyanza twabuzumini a tunsiyansiya twabo aanze lya cilawo, a kubabikka mu cilawo cabo ca tuyanza twabuzumini a kansiyansiya. Bali jisi cilawo, abalo, nkabela eco cibabikka mu cilawo cakwe. Cakwe nca lwiyo, kwiiya kwabukombi, milimo, madigrii a bwiiyo, zyalwiiyo, zyanguntu, zintuzyonse zyo zilwana cilawo ca Ijwi lya Leza. Leza uli jisi cilawo ca bantu Bakwe. I kabungwe kajisi cilawo cako cini.

57 Myaka iili zyuulu zyoatatwe yainda, muntu walikukonzya kuswaangana Leza kubusena bumwi. Calo cakali cintu cuubauba kumuntu ikuswaangana Leza. Pele nkaambonzi ncobata Mu swaangani sunu? Kuli bantu banji, ziindi zili zyuulu zya zyuulu a tuulunzuma twa bantu banji kwiinda mbo bakabede kwa myaka iili zyuulu zyoatatwe yainda, elyo nokuba kuti Leza ucili nguwenya uzulilwa ku cintu nciconya cakali kwaambwa kujatikizya, makani aakale aakaindi. Tiiba kaswaangana Leza, mu buntu, mbuli mbo bakacita myaka minji yakainda, mbuli mbo Nda ambide, kwa myaka, ili zyuulu zyoatatwe yainda imwi ili zyuulu zyoatatwe. Tiiba kacita. Tacili cuubauba ku muntu kuswaangana Leza. Kuti na muntu ula kanana kujatikizya ncico, walo ula yeeyelwa kuba muntu uunyongene, umwi oyo wasweekelwa mizeezo yabo. Calo tacili cintu cuubauba kulimbabo!

58 Mu kaambo ka Abrahamu a mu cilawo cakwe, nkaambonzi, cakali kutandila mazuba onse kwaamba ciindi cindicini eco Abrahamu naaka swaangana Leza. Wa kakanana kuli Nguwe. Kutali buyo boobo, pele cindi nobakali kwiinka kuya kumusanza mu Gera, ku kweendeenda; swebo tujana kuti, kunselelo kuya, kuti Leza wakali mu cilawo a Abimeleki, mu Filisiti. Ca kali cintu cuubauba loko. Ba kakkala mu cilawo ca Bulemu Bwakwe.

Sunu, ba kkala mu cilawo cabo beni, alimwi taba jisi acintu cakucita acilawo ca Leza. Takukwe anco bayanda kucita a ncico, nkaambo ncisesyo loko ku nyika. Calo ncisesyo loko kuli mbabo. Pele, amuyeeye, cindi Leza naa kabamba cilawo citaanzi ca bantu, Wa kabayumya a Ijwi Lyakwe. Ula cita lyoonse. Pele, sunu, mu zilawo zyabo, Ta baciciti. Ako nkekaambo nywebo tamumvwi kunji kujatikizya Leza. Lino, Nda syoma kuti i—kuti cilawo...

59 Mbuli Musa, obo Mbwa aka swaangana Musa mu nkanda. Musa waka jisi cilawo kunze kuya oko nkwa akali kusanina

mbelele zya basyanyinazyala, Jetro, ku lubazu lwa kunze aalukula. Elyo buzuba bumwi, kuli yooyu mudaala wakakomena kusika ku makumi lusele mweembezi wa mbelele, wa kabona Mumuni, Musumpululu wa Mulilo mu citewo, kuuyaka. Elyo wa kaswaangana Leza; muntu oyo wakali kutija kuzwa kuli Leza.

Buzuba bwakaccilila. Zimwi ziindi kuswaaangana Leza kukubamba kucita zintu bweenzu. Musa wakalimvwa bweenzu, ibuzuba bwakaccilila. Waka jisi mukaintu wakwe kakkede akambongolo keenze, a muvwanda akasolo kakwe; alimwi amalezu aakwe malamfu kaalengelela aansi, a kasako kapilingene mu janza lyakwe, kainka kunselelo ku Egepita, kuyoozunda cisi. Lino, oko kwakalikulibonya kwabufuba!

“uya kuli, Musa?”

“Nja ku Egepita.”

“kuyo tyeni?”

<sup>60</sup> “Kuyo tola bweendelezi!” Wa ka swaana Leza. I muntu omwe anguzu zyakuzunda. Cakaboneka kuyoosya kweenzu. Pele, calo cintu mbo cakabede, walo wakacicita, nkaambo wa ka swaana Leza. Mbubonya buyo mbuli muntu omwe kwiinka kuyoozunda Russia; nce coonse nco mweelede, muntu omwe mu luyando lwa Leza. Musa wakali mu luyando lwa Leza. Elyo a kasako kapilingene nkaka jisi mu janza lyakwe, kutali panga; kasako. Zintu ziyabweenzu loko, Leza ulacita.

<sup>61</sup> Pele, amuyeeye, Musa wakeelede kuzwa mu cilawo eco mwaakali kuponenamo, ku kucita ceeci, nkaambo wakali kunselelo kuya a nkamu yoonse ya basilumamba alimwi ta akakonzya kucicita. Antoomwe a basilumamba boonse ba Egepita, ta akakonzya kucicita. Pele Leza waka mutamba ku cilawo Cakwe.

Wa kati, “Ino Ndu weni?”

<sup>62</sup> Wa kati, “NDIME UULIKO LYOONSE.” Kutali, “Nda kali, na uyooba.” Bwaambe bwaciliko eno, “NDIME! Ndime Leza wa Abrahamu, Izaka, awa Jakobo. Nda mvwa kulila kwa bantu, alimwi Nda ibaluka cisyomezyo Cangu, alimwi eci nce ciindi ca ceeci kuti cizuzikizigwe. Nda kutuma kunselelo, Musa, a kasako ako kali mu janza lyako.”

<sup>63</sup> Ino cakali cinzi? Walo, lino, ibantu bakayeeya kuti wakali nyongene. Pele ncinzi nca kacita? Wa kazwa mu cilawo cakwe. Farao waka muyiisya kwa myaka makumi one mu cilawo ca cikolo, alimwi waka kakilwa. Elyo cakatolela Leza myaka makumi one iimbi kulugwisya muli nguwe. Loonse lwiiyo lwakwe a lwiiyo lwabuleza loonse olo ndwaakali kuyiisigwa, lwalo lwakatola myaka makumi one kulugwisya kuzwa kuli nguwe. Elyo mpawo Leza waka mubelesya imyaka makumi one.

<sup>64</sup> Leza ujisi ciindi cigambya kubamba muntu Wakwe. Pele, nywebo mwabona, Walo taakwe nakakonzya kubweza Mus- . . .

ku jata Musa, mane kusika Musa naakazwa mu cilawo calwiiyo lwakwe lwakabambwa amuntu, kuzwa mu nzila yankamu yabasilumamba ya kucicita, alimwi amunzila yakunyama ya kucicita, kuya mu nzila zybuleza iitapandululiki ya kucicita. Mpawo, cindi naakanjila mu cilawo eciya, Leza waka konzya ku mu belesya.

<sup>65</sup> Lino, swebo tu jana kuti mukati kankanda eeyi. . . Twa bona cindi noba kazunda akutola inyika yabo, alimwi akuzwa mu Egepita, kunjila mu cilawo ca Leza; kuboola kuzwa mu cilawo cabapaizi alimwi aboonse babo kwaamba, “Amulisambale nobeni mu buzike, kwa ciindi coonse.” Cindi musinsimi Musa naakasika kuselelo a kusimpikizya Ijwi lya Leza lyakali afwi, kuti Leza Oyo waka bamba cisyomezwo wakaliko kuya ku kunununa bantu bakwe; balo bakeenda kuzwa ku cilawo balo mba kabede, mukati ka cilawo ca Ijwi lya Leza lyaka syomezegwa ilya oora. Ba kasyoma musinsimi oyo, nkaambo citondezyo ca kusimpikizigwa caka tondeezya cakumaninina kuti lya kali Ijwi lya Leza lini. Elyo zintu nzya akacita zyaka tondeezya cakumaninina kuti lya kali luleme, alimwi a Musumpululu wa Mulilo waka mucilila koonse, kutondeezya cakumaninina kuti lyakali Ijwi lya Leza.

<sup>66</sup> Lino, mu cilawo eci, maleele, zitondezyo, a zigambyo zyakali mu cilawo eci.

Ba kazigwisya kuzwa kunze mu nkanda. Ba kasiya zilawo zyabo zyakunyama. Ba kasiya cilawo ca ntimba. Ba kasiya cilawo cakabambwa amakuba azitina, ku kkalila mu matente kunze mukati ka nkanda, oko kwatakalikwe inseke na kutakwe cintu cimbi. Ziindi zimwi Leza ulatwaambila kucita zintu zybafubafuba, ku kuyeeya kwesu tobeni. Elyo ikuti na yebo tonasiya cilawo ca kubuzyabuzya kwako, oobo mbobusena yebo nko yooswaangana Leza.

<sup>67</sup> Amubone, mbubonya mbuli mbo bakali kuzwa mu nkanda, kwakali maleele, zitondezyo, cindi nobakeenda kunjila mu cilawo eeci. Lino amuyeeye, balo bakasiya cilawo ca Egepita akweenda kuzwa kuya mu nkanda a cilawo ca Leza. Mbobuti mbomuzi mbo cakabede? Leza wakati, “Bantu bako bayooba mu nyika yabweenzu kwa myaka myaanda yone, pele Ndi yooba gusya ajanza lyangu lyanguzu, nkabela Njo bapa nyika eyi awa.” Elyo bakali mu lweendo lwabo, kwiinda mu Mumuni waka simpikizigwa, musinsimi waka simpikizigwa, a zitondezyo, zigambyo, kuti Leza wakali mu cilawo, alimwi bakali mu mugwagwa wabo. Ba ka jisi Musumpululu wa Mulilo. Alimwi ba ka jisi musinsimi. Ba ka jisi mana. Ba ka jisi maanzi aa buumi. Ameni! Ba ka jisi kucinca, masena aa zilawo aacincidwe. Ba keelede kucicita. Tiiba kakonzya kubona zintu ezyo mu Egepita. Ba keelede kucinca masena aa zilawo, mu kubamba kuti babone zigambyoziinda zitapandululiki.

<sup>68</sup> Aboobo bantu ba buzuba obuno beelede kucinca cilawo kuzwa kutubungwe twabo oto twaamba, “Mazuba aa maleele akamana. Takukwe cintu cili mbuli lubbizyo lwa Muuya Uusalala. Alimwi onse aya Malembe alilubide; alimwi abelekela bukkalo bumbi.” Yebo weelede kucinca masena aa cilawo cako, kwiinka kwiindilila cilawo eco, oko kwalo zintuzyoonse nko zikonzeke.

<sup>69</sup> Boonse babo bakali kusimpikizya Busyu Bwakwe mu cilawo. Lino amubone mpawo, babo, bakabamba cilawo catuyanza twa kabambwa aabantu a tunsiyansiya, nokwa kamana kufwa kwa Musa. Elyo Leza wakabeleka a bantu kwa myaka minji. Leza tacili mu cilawo Cakwe, limbi, mu cilawo cabo, nkaambo baka libambila cilawo, cilawo cakulibambila.

<sup>70</sup> Amuyeeye, cindi nobakaitwa kuzwa mu Egepita, Leza waka babambilide musinsimi, waka babambilide kabelele ka kutuula, wakali babambilide zyoonse nzyo bakabulide; ijwi, citondezyo, maleele, i musinsimi waku basololela mulungo waku mamela, Musumpululu wa Mulilo waku basololela. Elyo cindi nobakazwa kunjila mu nkanda, tiiba kakkutilide. Ba kacili kuyanda cintucimwi ncobakali kukonzya kucita, lwabo. Luzyalo lwaka libambide eco; lino ba kayanda cintu cimwi cakucita, lwabo beni, aboobo inga ba konzya kuba bamba kabunga, a kubamba kuswiililwa loko a kulwana aku kopenganya, nguni wakeelede kuba mupaizi mupati, alimwi nguni uyooba *boobu*, *obuya*, na i *bumwi*. Buzuba bumwi, Leza wakati, “Musa, kolya andaanya kuzwa kuli mbabo,” elyo Wa ka bamena balo mu kukazya kwa Kora.

<sup>71</sup> Lino amubone, zyoonse ezi zitondezyo a zigambyo zyaka simpikizya Busyu Bwakwe.

Mpawo wa kabamba...cilawo cakabambwa aabantu, cilawo ca tunsiyansiya atuyanza, kutali cilawo ca Leza ica Ijwi Lyakwe. I cilawo cabo beni! We elede kubasiya, nkambo Walo ndi Ijwi. Ta konzyi kukkala oko bantu nkoba yiisigwa kunze aa Ijwi eli. Leza ta konzyi kukkala mu cilawo. Ta konzyi. Taakwe naakacitide. We elede kukkala kugaminina awo ali Ijwi Lyakwe.

<sup>72</sup> Cindi Na akasiya cilawo, mpawo, ca bbunga lyoonse lyabantu abo Mba akaleta kuzwa ku Egepita, Wa ka kkala buyo akati ka basinsimi Bakwe, abo Ijwi Lyakwe nko lyakasikila. I Ijwi lya kasika ku basinsimi, ikusimpikizya oora. Wa ka kkala akati ka basinsimi, akuyubunuka ku basinsimi. Mbobuti obo mbo ba katuka, bantu, alimwi a kutuka icintu. Elyo Leza wakabaiisya milawo Yakwe a nzila ya buumi. Elyo bantu bakali kuli lwanisya, a kupeNzya basinsimi, alimwi kumamanino baka muuma mabwe, na kumu tendaula mu tubeela beela, a kwaanguluka kucita cili coonse nco ba kayanda kuli nguwe.

<sup>73</sup> Jesu kati, “Nguuli umwi wa basinsimi bamauso ngoba taka jaya? Nguuli umwi wabo, waba luleme ooyo wakatumwa kuli mbabo?” Elyo akuti, “Milimo ya mauso muyooicita.” Ta akali kwaamba kuli basimbungano. Wa kali kwaambila bapaizi, bantu basitubungwe, ba Farisi aku Basaduki. Nda syoma jwi Lyakwe tali konzyi kucincwa kwiindilila loko sunumasiku, nkuyungizigwa buyo kusyoonto kuya ambele, ambweni, kuli mbabo.

<sup>74</sup> Lino, tu jana kuti Wa kakkala mpawo aakati ka basinsimi Bakwe. Mpawo wakaba mweenzu kuli mbabo, nkambo Walo ukkala buyo mulikke mu Ijwi Lyakwe, ku Li tonkomeka. I Bbaibbele Iya kati Ula mamela Ijwi Lyakwe, ku Li simpikizya. Walo usoleka kujana muntuumwi.

Ikuti na Wa konzya buyo kujana muntu ujisi nguzu zilicitikila, mbuli Samusoni. Samusoni wakapa inguzu zyakwe kuli Leza, pele wa kapa moyo wakwe kuli Delila. Eyo nje nzila ziindi zinji mbo tu cita, sunu, kupa buyo cintucimwi kuli Leza, pele kutali koonse. Pele, Leza uyanda koonse kwesu.

<sup>75</sup> Mbuli muntu ujisi pepa Iya mizeezo ya kuzuminana kwa buleya, cindi wano jisi pepa Iyamizeezo yakuzuminana kwabuleya, yebo weelede kuti kozwide loko zyakuzibya makani. Elyo mbokacita aka kaanzambwene kasalala kuli ndiswe. Kalo kazwide zyakuzibya makani aakazuminanwa abuleya. Kala zulizya ezyo zyoonse nzyotubula mukati ka buumi obu, a bubuke bwesu, alimwi a Buumi Butamani. Kusanganya zyoonse.

<sup>76</sup> Amubone, mpawo Leza wa kakkala aanze Iya cilawo cabo kwa myaka ili myaanda yone. Nkaambonzi? Ta ka cijisi limbi basinsimi. Kuzwa ku musinsimi Malaki, kusika ku musinsimi Johane, myaka myaanda yone, takucikwe naba omwe wakazingulusya vwili mbuli ba Israyeli mbo bakacita. Leza wakali aanze Iya cilawo. Ba ka Mu bikka aanze, kwiinda kutunsiyansiya twabo aku kulisumpula kwabo, a kwiimpana kwabo kubambanya Ijwi. Myaka myaanda yone kakutakwe Ijwi! Kuzwa ku musinsimi omwe kuya kuli umwi, Walo wa keenda, mane kusikila ku musinsimi wamamanino wakali Malaki, elyo mpawo tiikwa likwe musinsimi uumbi kwa myaka myaanda yone.

<sup>77</sup> Elyo mpawo Leza wa kalibonya aa busena alimwi. Buzuba bumwi Walo wakeenda akati kabo alubo, pele tuyanza twabo twakakonzya loko kubweza busena Bwakwe aakati kabo, Wa kali mweenzu kuli mbabo. Tuyanza twa mawisiyi, twaka sanzya mizeezo, a—a nzila yakubamba masusu aabo, alimwi akusama zisani zyabo zyamankopela a musyobo umwi, alimwi abapaizi babo muzikobela zyamusyobo umwi—wa bupaizi; a—alimwi umwi Mufarisi uusinizizye, nkabela umwi kali Musaduki. Elyo eco cakatola busena bwa Ijwi akati ka bantu baya, mane, cindi Leza naaka baswaya, Wa kali sikwendeenda.



<sup>78</sup> Anda ambe ceeci mu luyando akulemeka, pele kweenzya kuya ku muunzi. Ncintu nciconya sunu. Tacina cincide nokuceya. Cindi Na kasika aakati kabantu, mu nguzu Zyakwe a kulitondezya, kusimpikizya kuti Ijwi Lyakwe ndilyonya mbokuya myaaka, sunu, a lyoonse, nkambo Walo ndi Ijwi, bantu balati, “Musondi, Beezebule, Jesu buyo, na—na cintucimwi mbuli ceeco.” Nkamu imwi kubusena bumwi, pele ceelede kuba nzila njiyonya eyo.

Mwabona, tii twa kajisi musinsimi lino kutandila aakati kamyaka zyuulu zyobile. I Bamasi tiiba kajana omwe, nywebo mulizi; kasyomezegwa kumamanino. Lino, swebo tulizi obo, kwiinda ku Magwalo. Tu lizi obo, akwalo, ku makani aakale kuti eci cakasyomezegwa kuli ndiswe.

<sup>79</sup> Lino, nokwakamana myaka myaanda yone, Leza wa keenda akati kabo buzuba bumwi. Kweendelana a Magwalo, Wa keelede kuba mubili a kukkala mpoonya akati kabo. “Zina Lyakwe liyo tegwa Sinkuta, Mwami wa Luumuno, Leza Singuzu, Taata wesu Uteeli.”

Elyo cindi Na kasika akati ka bantu, ba kati, “Ta tu kooba a Muntu oyu kuti atwe endelezye! Ino—ino Walo ujisi citupa cili buti? Ino nkaakali kabungwe ka Mu tuma?” Ta ka jisi luswaanano. Mabungano oonse Nga a kainka, ba ka Mu tandila aanze. Tiiba ka jisi cili coonse cakucita a Nguwe, nkaambo Ta kali umwi wabo.

Elyo mbubunya mbocakabede mpawo, aboobo mbocibede lino! I Bbaibbele lyakati mbungano ya Laodikeya iyo Mu tandila anze, alimwi Wa kali kukonkomona, kusoleka kunjila mukati. Kuli cintucimwi cilubide kubusenabumwi.

<sup>80</sup> Lino, nkaambonzi? Ba kabamba cilawo cabo beni. Ba, kuti nobakali kulizi Ijwi, noba kamuziba Oyo Mbwa akabede. Jesu wakati, “Kuti nywebo... Amulingule Magwalo, nkambo muli Ngawo nywebo muyeeya kuti mujisi Buumi Butamani. Nge ngawo ayo aamwaambila Mebo Mbwebede!” Ncencico eco Magwalo ncaamba. Lino, “Nga Ndi lungulula. Elyo na kuti Nse citi milimo eyo yaka syomezegwa kuli Ndime kwiicita, kuti na Nse citi milimo eyo Taata Wangu, Ijwi... ‘Ku matalikuli kwakali Ijwi, a Ijwi lyakali antoomwe a Leza, a Ijwi wakali Leza. Elyo Ijwi wakaba mubili akukkala aakati kesu.’ Lino, na Ndime oyo Muntu, amulingule Magwalo akubona eco Nce ndeelede kucita. Elyo ikuti na Nse eleli; ikuti na milimo Yangu, milimo eyo iilungululwa aa Ijwi, Taata ula Ndi lungulula, ikuti na taasimpikizyi Obo Mbwe bedede, mpawo Ndili lubide.” Mbombubo. “Kuti tamukonzyi kusyoma Ndime, mu syome Ijwi,” Wa kati, “milimo eyo ilazyalwa ku Ijwi.”

<sup>81</sup> Mwabona, Wa kali mweenzu akati kabo. Tiiba ka Mu zyi. “Ta tukabi a cakucita a Mulombwana oyo, mulombwana buyo oyo waka zyalilwa kunselelo kuya mu cilido kumwi okuya.” Elyo ba

kasyoma banyina Bakwe baka jisi kale Muvwanda oyu katana akuti Walo azyalwe, na katana Wa...wakajisi Muvwanda kuzwa kukuzyalilwa musokwe, mubwini. Elyo mpawo, balo, kuti kakutanaba kuzyalwa kwa Muvwanda, kuti waa kazwa akwiinka kuyo kwatwa kuli Josefa; alimwi wa kacita eco kutegwa agwiye cibata cakali ali nguwe, kulilemeka kwakwe. “Elyo mpawo Wa kaba Mulombwana musyobo wacisesyo cimwi, nkaambo Wa kali mwana wakazyalilwa musyokwe, ako nkekaambo Mbwa akabede.”

Elyo cindi Na akazwa, ncinzi Nca a kacita? Kuzapaula tunsiyansiya twabo, kupindamuna ma tamfule aabo, kubauma kuzwa mu busena, elyo a kuti, “Kuli lembedwe!” Amen! Oko nkonkuko kwa keelede kubaambila Oyo Mbwa kabede. “Kuli lembedwe!”

<sup>82</sup> Ee, tiiba ka jisi cakucita a Mulombwana uuli bobuya. Pele kungsi mukati mu moyo wabo, ba kali muzi Oyo Mbwa akabede, nkambo Nekodema caantagalala wakabupa busanduluzi obo. “Rabbi, swebo, toba Farisi, tu lizi uli mwiiyi wakazwida kuli Leza, nkambo takukwe muntu ukonzya kucita zintu zyocita ccita kuti Leza uli a nguwe.” Nkaambozi mpawo tiiba ka Mu lungulula? Nkaambo kakuti cilawo cabo cakabikkide migaano. Tii caka Mu zumizya kunjila mukati mu cilawo. Tii caka zumizya naba omwe muntu kuzwa kwiinka kuya kuli Nguwe. Ba kajisi cilawo cabo beni. Wa kasika akati kamasiku, cindi manjililo nakajalidwe ncobeni. Pele wa kajana kuti wakali kukonzya, ku Mu swaangana, kufumbwa.

<sup>83</sup> Iiyi, mbubonya alino! Ba kajisi...Wa kaba mweenzu, sikweendeenda. Tiiba ka Ci mvwisya. “Nkaambonzi nco kukonzya kuba *boobu*, alimwi nkaambonzi nco kuba *obuya*?” Cindi, Ijwi Lini lyalungulula kuti eci mbombubo ncobeni mbo ceelede kucitwa mu buzuba buno. Obo mbu twainda muli ncico, kwiindilila a kwiindilila, pele Mbwinini.

<sup>84</sup> Wa akali, kuli mbabo mu cilawo cabo, “I sikwiindilizya, sikutyola tuyanza twabo, sikukalazya mabungano abo, musondi ncobeni, siluzibo lwa zya myuuya uutegwa ‘Beezebule.’ Mbombubo obo Mbwa kabede.”

Elyo Nda syoma, kuti na Wa sika akati kesu sunu, inga Wa ba cintu nciconya asunu, kuli ndiswe. Nkambo, tuli jisi tuyanza, tuli jisi tubungwe, tatu konzyi akwalo kusika kuli umwi aumwi. Nkaambonzi? Kuli buyo busena bomwe oko muntu nkwakonzya kusika okuya, oko nku, kungsi aa Bulowa bwakatika. Elyo Bulowa bwakatika, mbuli nseke ya buumi, kukupa kumezeka ku Mbuto eyi, Ijwi. Kunze aandilyo, migaano ya tubungwe twesu iyoozumanana kutantamuna bantu lyoonse.

<sup>85</sup> Pele inga Wa ba mweenzu sunu. Inga waitwa kuba cintu nciconya. Inga wacitilwa, inga Wa tandwa kuzwa mu cilawo. Elyo sena mulizi...I Bbaibbele ndilyonya lya kati Uyo konzya

kukakwa ku bantu, “Muntu wa buusu, wakali kuswaanwa buyo mukutazibwa loko wa buusu,” elyo ba kakaka, “elyo twa Mu penzya kumuuma a kumufwabya wa Leza,” Lugwalo ndulonya olo lwa kaamba ceeco. I basinsimi mbabonya abo bakaimba, “Leza Wangu, Leza Wangu, nkaambonzi Nco wa Ndi siila? Zifuwa zyangu, ba Ndi kwamauna. Ba gagaila maanza Angu a zituta Zyangu.” Cindi nobakali kwiimba ezyo nyimbo mu cikombelo; Cituuzyo cabo, oyo Leza ngo bakali kuyeeyela kuti ngo bakali kubelekela, ba kali kumubambula.

Aboobo mbocibede asunu, Leza nguwenya!

<sup>86</sup> Amulange eco musinsimi, Amosi, nca kaamba cindi naa kasika mu Samariya. Elyo meso akwe akacesegwa mbuli mbwaakali kuya kuboola kutala a kubona munzi oyo wakazwide zibi, banakazi kabalala mu tugwagwa, a bamaalumi, America wasunu. Cindi naa kalanga kutala kuli nguwo, meso akwe akacesegwa. Elyo Ta kajisi sikumugwasya. Ta aka jisi citupa ca luswaanano. Leza waka mutuma. Sena bantu bakamvwa Mulumbe wakwe? Peepe, tiiba kakonzya kumvwa kuli nguwe. Pele wa kasinsima, elyo wa kati, “Oyo Leza nguwenya ngo mutaminina kubelekela uyo munyonyoona.”

Elyo Nda amba, mu Zina lya Jesu Kristo: Oyo Leza nguwenya eci cisi ngo citaminina kuba, cisi cabukombi, oyo Leza nguwenya ngo bataminina kubelekela uyo banyonyoona mu milandu yabo. Uyo nyonyoona tubungwe toonse kuzwa ku busyu bwa nyika, eco nco bataminina kubelekela.

<sup>87</sup> Aboobo, mubone, Wa kabatapatila, elyo baka Mu bikka aanze lya cilawo cabo. “Jesu wa kapenga aanze a cilawo.” Ba ka mubikka Walo aanze lya cilawo, kunze lya, kule kwiindilila cilawo cabo.

<sup>88</sup> Tu jana kuti Bbaibbele lya kaamba, mu buzuba buno kungsi aa Bukkalo obu bwa Laodikeya, ba yoocita cintu nciconya. Ba yoobikka aanze lya cilawo.

Lino amulangilile eco Nca kaamba kucita lino, mu kujala.

“Kugwisya mu cilawo,” oko cituuzyo nko cakali kuumpilwa. Oko nkonkuko Walo nkwa zulilwa. Wa kali Cituuzyo.

<sup>89</sup> Lino, mukwesu, mucizi, mulizi na kuti umwi aumwi wanu nyoonse weelede kutuula; nywebo mweelede kuba cituuzyo ca Leza; kutuula zintu zyoonse zya nyika; mutuule kulibotezya kwanu koonse kwa nyika eeyi; kutuula zintu zya nyika? Sena mulizi kaambo bantu nco bataciciti?

<sup>90</sup> Nywebo mulizi, imbelele, tai jisi pele cintu comwe ca kwaaba, alimwi eco mboya. Elyo, lino, ta ilombwi kuti kaipanga na kuzyala boya bumwi bwa mwaka uuno. Yalo ila lombwa ku zya- . . . ku zyala boya.

Ta twa ambilidwe kupanga cintucimwi. Tu lombedwe kuzyala micelo ya Muuya. Eeyo ili, mukati mwini mwa mbelele,

obo mboibede omo mukati mwini, kupa kubamba boya awo atala. Elyo cindi muntu ano jisi Kristo omo mukati mwini, kupa kumubamba kuba mbuli Kristo awo atala, kutali zimwi zya kulibikka bikka.

<sup>91</sup> Ee, tula jana kuti cindi eco catola busena, cindi Kristo aboola kujokela, mbobuti Mbwa kalanganisigwa? Mbombubo buyo cigaminina mbo cakabede ku matalikilo. Lyoonse cakaba.

<sup>92</sup> Aboobo, Wa kabatapatila, kuti baka babikka aanze lya cilawo Cakwe, a ku Mu bamba mbuli sizibi. Kwalo, “Wa kaba cibi nkaambo kesu.”

<sup>93</sup> Lino, nokwakamana myaanda ya myaka, iyyi, kanji myaka zyuulu zyibile, Wa ka swaya cilawo cabo alubo, kweendelana a Ijwi Lyakwe lyaka syomezegwa kuti Uyo ocita mu mazuba aakumamanino. Wa swaya cilawo alubo. Wa swaya cilawo, ku tondeezya Ijwi eeli sunu.

Mbubonya buyo mbuli Mbwa kaswaya kaindi mu buzuba obuya, alimwi Wa kacita mu buzuba bwa Musa. Oyo taakali Musa wakali kucita ceciya; Musa wakali muntu. Wa kali Kristo.

<sup>94</sup> Amulange kuli Josefa, ibuumi; wakayandwa abausyi, waka sulaikwa a babunyina, nkaambo wakali sizilengaano. Elyo baka musulaika, kakutakwe kaambo. Ako kakali nkekaambo kalikke buyo nkobakali kukonzya kumu sulaikila.

Ceezyanisyo cilondokede maningi casunu, mbu kubede. Mbungano, alubo, ba sulaika zintu zya kumuuya.

Elyo tu jana kuti wa kasambalwa kutandila makumi otatwe aansiliva, kuyeeyelwa ku fwa. Kubwezegwa a kubikkwa mu ng’anda ya ntolongo; mbuli Jesu mbakali aa ciingano. Muntu umwi waka sweeka, alimwi muntu umwi wakafutuka; alimwi waka gusigwa kuzwa kooko kuyaku janza lyalulyo ilya Farao. Cili mbubonya buyo munzila Jesu mbwa kacita.

<sup>95</sup> Wa kali Davida, akwiinka kutala mu tugwagwa, kakwiila, mwaami wa kakakwa; a kukkala atala aa cilundu, akulilila Jerusalemu. Oyo takali Davida. I Mwana wa Davida, myaanda ya myaka misyoonto yakainda nokwakamana ceeco, kakkede adundu ndilyonya akulila nkaambo Wa kali Mwami uukakidwe akati kabantu Bakwe Beni. Ngu Kristo, lyoonse.

Elyo, sunu, cindi casinsimwa kuti Kristo weelede kusika mukati lya cilawo, sena nywebo mulizi na cakacitika? Cilaba buyo mbubonya mbuli mbocakabede mpawo. Ceelede kuba munzila njiyonya, kuzuzikizya ceeco calo Ijwi nco lyakasinsima Nguwe kuyocita.

<sup>96</sup> Lino muyeeye, Kristo wakali mu bukkalo bwa Nowa. Oyo wakali Kristo, “Jesu Kristo mbobuca nguwenya, sunu, amuya myaaka,” Ijwi likakidwe lya oora.

<sup>97</sup> Mubone, acisinsime Cakwe ca Ciyubunuzyo 3, kujanja, cindi Walo asika mu buzuba buno bwa mamanino, mbuli Mbwa

kasinsima kuti Uyo boola mu buzuba buno bwa mamanino. Elyo mbobuti obo Mbwa akaijana mbungano ku Laodikeya? “Kaivubide, taakwe nco yakabula.” “Elyo aku kkala mbuli namalelo a kutakonzya kubona masampu.” “Elyo ku Mu bikka kunze lya cikombelo,” takukwe mulimo a Nguwe. Wa kainka aanze cilawo alubo. Pele taa kaziba kuti waa kali aacinswe, moofu, a kusampuka; elyo taa kaciziba.

<sup>98</sup> Alimwi, kuti na Wa sika alubo mu nzila njiyonya mbuli Mbwa akabede mpawo, inga Wa tapatila mwanakazi oonse oyo uusama tubbudula. Inga wa tapatila masusu aavungaidwe, masyu oonse aananikidwe musila, mwaalumi oonse uunga wa lekela asyoonto kuti mukaintu wakwe aelelele kucita boobo. Uci konzya kwiima, inga Wa mwaida ansi kabungwe kali koonse ako kakaliko, a kumwayaula kumanizya toonse tunsiyansiya oto nto twa kajisi. Sena mula syoma kuti inga Wa cicitita? [Mbunga yaamba, “Ameni!”—Mul.] Inga wacita ncobeni. Mbombubo.

<sup>99</sup> Ncinzi nco banga bacita kuli Nguwe? Nku Mu bikka aanze lya cilawo. Balo ncobeni tiiba kakonzya kuba a luswaanano antoomwe a Nguwe. Peepe, munene!

<sup>100</sup> Lino tula Mu jana alubo, mu buzuba buno, mbuli Bbaibbele mbo lyaamba kuti Mbwa yooba, kubikkwa aanze lya cilawo. Nkaambo lyoonse Ula caala nguwenya, Ijwi, nguwenya, sunu, amuya myaka.

<sup>101</sup> Taba—taba Mu yandi. Ba ka Mu kaka alubo, a nkamu yabo. Bala konzya kuyandisisya, sunu, mbubonya mbo bakacita cindi Na kali mukusolwa. Elyo sunu, cindi Ijwi nolili akusolwa, ncinzi cicitika? Ba lakaka mpawo asunu mbuli mbo bakacita, aku zumina Bbarabasi, mujayi, mu busena bwa Kristo. Nkamu inga yacita cintu nciconya. Elyo, sunu, nkaambo balakaka Ijwi acisimpikizyo cilondokede ca oora, ba kasambala akuyandisiya Bbarabasi, Nkamu zya Nsanganano zya Mabungano, imu jayi wa Ijwi. [Kabeela katakwe cintu aa teepu—Mul.]

<sup>102</sup> Ba kaka Ijwi Lyakwe, kukaka lubbizyo Lwakwe, kukaka Nguzu Zyakwe, kukaka zitondezyo Zyakwe. Elyo akansiyansiya na kayanza alubo, na kusama kwa kwiimika makkola, azintu zyoonse, kuli bambila beni tunsiyansiya, alimwi azimwizimbi, ba soleka ku, ku milimo mibotu. Tiiba kaanzilwa ku Buumi, ku kutalika. Tiiba ka jisi caku syoma ancico.

“Oyo undizi Mebo, ulimuzi Taata Wangu. Elyo Mbuli Taata mbwa ka Ndi tuma, mbubonya Nda mutuma a nywebo.” Oyo Leza wakatuma Jesu waka njila muli Jesu. Elyo oyo Jesu uumutuma ula njila muli ndinywe. “Oyo usyoma muli Ndime, milimo eyo Nje cita Mebo uyo icita. Kamuya mu inyika yoonse, mu kakambauke Makanimabotu ku zilenge zyoonse,” basiya, bayelo, batuba, basalaluka, kufumbwa mbwa konzya kuba. “Ezi zitondezyo ziyo batobela abo basyoma.” Kule buti? “Inyika yoonse, aku zilenge zyoonse.”

103 Mukutausi muniini muna Baptisti, kutali ciindi cilamfu cainda mu Tackson, wakasika kuli ndime, kati, “Mukwesu Branham, ndeeli penzi lyako. Yebo usoleka kubamba bukkalo buno kuba buapostolo.” Wa kati, “Takukwe cintu cili boobo mbuli bukkalo bwa buapostolo sunu. Bukkalo bwa buapostolo bwa kamana.”

104 Nda kati, “Mbobubede na? Nse kabuzi.”

Mpawo wa kati, “Ee, mbobubede.”

Nda kati, “Uli ncobeni?”

Wa kati, “Ncobeni. Ndili ncobeni,” wa kati.

“Cililuleme,” Nda kati, “mbobuti mboyeeya kuti bwakamana?”

Kati, “Bwa kali bwa baapostolo.”

105 Nda kati, “Petro wakati, mu Buzuba bwa Pentekoste. Sena ula syoma Ijwi lyakwe?”

“Iiyi, munene.”

106 “Wa kati, ‘Amweempwe, umwi aumwi wanu, a kubbizigwa mu Zina lya Jesu Kristo. Nkaambo eci cisyomezyo cili kuli ndinywe, a ku bana banu, a ku bazukulu banu, a kuli baabo bali kule, a baabo boonse mbayo ita Mwami Leza.’”

107 Cisyomezyo nciconya eci, twe elede kujokela lubo kuli ncico! Musilisi mupati Saimoni Petro wakalemba malailile abusilike. I Bbaibbele lyakati, “Sena takukwe bbona mu Giliadi? Sa takukwe musilisi oko?”

Ee, nywebo mulizi, ikuti na wa belesya malailile abusilike aa dokotela. Cindi a jana bulwazi buli mu mubili wako, nkabela wa lemba malailile abusilike ayo; ncibotu wa kabuzulizya, jana simisamu wini uyo buzulizya nzila mbubonya mbo bulembedwe. Nkaambo, uleelede kubikka cikola cinji maningi, a cintu cinji loko cigusya nsana zya bubi, kunji maningi oko bubambe bwako nko buyobweza. Nywebo mwabona, wa . . . Wa ka solekwa kale a kutondezegwa, nkabela weelede kubweza malailile abusilike ayo. Ikuti na to citi, uyo jana dokotela kuyo kweena kuli ceeco, oyo uta konzyi kweeleka musamu oyo kabotu, uyo kujaya. Elyo ikuti na wabikka bukompami bunji maningi mukati, tabu kakugwasyi pe.

108 Elyo nde penzi a bunji bwanu no madokotela. Mula cenga ku malailile abusilike ayo!

Petro kati, “Njo mupa malailile abusilike ateeli, bwa ndinywe, a ku bana banu, a baabo bali kulaale, akwalo boonse Mwami Leza wesu mbayo ita.” Kutali, “Amuwoole a kusangana.” Pele, “Amusanduke, umwi aumwi wanu, a kubbizigwa mu Zina lya Jesu Kristo kuti mujatilwe zibi zyanu, nkabela muyo tambula micelo,” ameni, “Muuya Uusalala. Nkambo cisyomezyo, malailile abusilike aya, nga kuli ndinywe, a ku bana banu.”

Lino, nobamwi nywebo madokotela, amuleke kulemba malailile abusilike ayo abubeji. Mwabona? Nywebo mujaya bantu banu. Uh huh. Ako nkekaambo Cintu cini tacili mukusika kuli mbabo. Iiyi.

<sup>109</sup> Nywebo mulizi, aa malailile abusilike aya ngaonya, obo dokotela mbwa jana musamu wakwe. Bala bweza lyoonse a . . . I basayaansi basola kumvwisya cintucimwi, mpawo bala uyasa mu mbeba dwidwi, a kubona kuti na ula ijaya na pe.

Elyo mpawo, yebo ulizi, musamu, ujisi ciindi ceelede kubweza. Yebo, yebo antela inga waba kabotu, alimwi antela kukujaya, mwabona, nkaambo bantu boonse tabali mbuli mbeba dwidwi, ndiza.

Aboobo, pele kuli cintu comwe kujatikizya malailile abusilike aya, nga boonse.

<sup>110</sup> Elyo, mpawo, kufumbwa dokotela mubotu kwini oyo uta . . . jisi lusyomo lunji mu musamu wakwe wini, taka buzyi muntuumwi umbi. Bamwi babo mbakandu ncobeni kujana mwaange ujisi kwaangwa kwa buumi, a ku mwaangulula ikuti na wa pona kuli mbubo, ku mulekela kubelesya malailile abusilike.

<sup>111</sup> Pele, mu busena obu, twa kajisi Dokotela wini. Wa kasika, wakabweza malailile abusilike, Mwini. Mwabona? “NDIME.” Kutali, “Ndi yooba.” “Ndime bubuke a Buumi,” kaamba Leza. “Oyo uusyoma muli Ndime, nekubakuti wa kali fwide, kwalo uyo pona. Elyo kufumbwa muntu uuona a kusyoma muli Ndime ta kafwi.” Marta kati . . . Wa kati, “Ula syoma obu na?”

<sup>112</sup> Waa kati, “Inzya, Mwami, Nda syoma kuti Nduwe Kristo oyo wa keelede kusika mu inyika. Takukwe makani bunji obo bamwi babo mboba Kwi ita, Nda kamana kucibona!”

<sup>113</sup> Ku Kalivari, Wa kayaswa ndonga, Mwini. Elyo aa cifumo ca Pasika, lufu telwa kakonzya ku Mu lesya. “Ndime bubuke a Buumi.” Ba kanjizya lufu muli Nguwe, pele Wa kabuka, cakuzunda ku lufu, gehena, a cuumbwe. Wa ka bweza kunjizigwa, Mwini.

Elyo Wa katuma madokotela amwi akulemba bulembo bwabusilike, abo baka jisi ciyubunuzyo ca Oyo Mbwa kabede.

“Ino bantu baamba kuti Mebo nde Mwana aa muntu ndimeni?”

<sup>114</sup> Petro kati, “Yebo nduwe Kristo, Mwana wa Leza muumi.”

<sup>115</sup> Wa kati, “Ulacoolwe yebo, Simoni. Wa kumvwa lino. Nda kupa zizaluzyo zyaku Bwami. Kufumbwa cintu nco waanga aa nyika, Ndiyo caanga ku Julu. Ikuti na waangulula aa nyika, Ndiyo caangulula ku Julu.”

<sup>116</sup> Elyo aa Buzuba bwa Pentekoste, cindi niba kabona zyoonse ezi kazicitika, wa kati . . . Ba kati, “Ino inga twa cita buti kuteeti tu jane kusitwa oku?”

<sup>117</sup> Mpaawa wa kabala bupanduluzi. Wa kati, “Lino Ndiyo lemba bupanduluzi. Bwalo mbu bwanu, a ku bana banu, a kuli baabo bali kulaale, abalo boonse Mwami Leza wesu mbayo sola kwiita.”

Mute enwi a bupanduluzi; muyo fwa! Bala cibamba kukompama maningi, sunu, mane tacili cintu pele maanzi aakabungwe, mbo mbubo, musamu umwi wakulesya kubola ngo ba njizya mu muntu uufwide kumubamba kufwida limwi.

Oh, pele, mukwesu, kuli bunanike bwakasimpe! Kuli bbona mu Giliadi. Ndyia kuponya kwa buntu. Muta nyonganyi buyo bupanduluzi. Amu bweze malailile nzila mbubonya mbwa lembedwe, alimwi Leza uli sinikizidwe ku Ijwi Lyakwe; kutali kusinikizigwa ku kansiyansiya, na kayanza kabuzumini, na kabungwe. Uli sinikizidwe ku Ijwi Lyakwe. Amu tobele malailile abusilike, eyo nje mbaakani ntaanzi. Amu talike, mpawo bweelela a kulibambila kuya ku ncito.

Amubone, “anze lya cilawo.”

<sup>118</sup> Ba sala Barabbasi sunu. Kakuli Makanimabotu ainka koonse akoonse, kuzunguluka inyika, zitondezyo a zigambyo zipati zyatobela lubukulussyo, pele, mubusena bwa kunjila a kusola kucicita, bali muku beleka antoomwe ncobeni a Barabbasi. “Ka tutana kuba a bufuba obu, a zimwi zimbi, mu mbungano yesu, tu yooba beebeka mbuli bamwi babo.” Lino ba jisi Rome nkabela boonse babo antoomwe, Barabbasi. Amubone, mpawo tuli mu cilawo eco cipati.

<sup>119</sup> Twa tambwa kuya kwiindilila cilawo eco. “Jesu awalo, kutegwa Asa lazye bantu ku Bulowa Bwakwe Bwini, wakapenga kunze lya mulyango. Atu unke kuli Nguwe anze lya mulyango,” amulangilile, “katubwezede mause Akwe.”

<sup>120</sup> Ino Wa kaubausigwa ku kaambonzi? Kutali kuti nkaambo Wa kali muna Methodististi na Baptististi, Ndiyo mupa kaanzambwene kuli ceeco; kuta kuti nkaambo Wa kali mu Farisi na Musaduki. Nkaambo Wa kali Ijwi lyakasimpikizigwa.

<sup>121</sup> “Katu yumwide mause Akwe,” ku (cintuunzi?) Ijwi lyakasimpikizigwa. Mbo mbubo. Eco ncecico Nca kacita. Wa kati, “Ikuti na Nse citi milimo ya Taata Wangu, muta Ndi syomi; ikuti na Ta ndili bwiinguzi ku mibuzyo yoonse ya Magwalo.”

<sup>122</sup> Jesu wa Cizuminano Cipywa wakali Jehova wa Cakaindi. Mbubonya ncobeni! Nda syoma, mbuli Mbwe kali kumwaambila awa lino, ciindi cimwi cainda, na kubusena bumwi mu muswaangano. Antela tee kwakali kokuno. “Jehova wa Cizuminano Cakaindi ngu Jesu wa Cipywa.” Mula yeeya i—i—i . . .

Cindi Ne kali kuyo vwima basikaale kuseeni oko, nkabela mpaawo cakaliko, yalo mitabi yotatwe mipati yakali kunjila muli omwe awo, mpoonya aa cilundu; mebo nkeimvwi awo nkecila ngide. Elyo Nda kaswena mumsi a kusamununa mvuse



yangu, kalazika raifo yangu, katanta awo. Elyo Jwi lya kazunganya zisaka, kati, “Jesu wa Cizuminano Cipywa ngu Jehova wa Cakaindi. Ko cisyomeka.” Aboobo mpoonya aansii mpe mpawo basikaale mpoba kabonekela, mpawo, bakaboola kuba cindi nikwaatali umwi awo. Mwabona? Obo Mbwini. Mwabona? Kuli luleme. Aboobo, Leza ulizi, Oyo Ngwe iminide kumbele, bwalo Mbwini bwa ncico. Mbo mbubo. Bwalo Mbwini.

<sup>123</sup> Nkoonya kumusanza mu Kentucky; elyo kuli bantu bakkede mpoonya awa sunumasiku, bakaliko cindi nica kacitika alimwi, cintu nciconya. Iiyi. Tu lizi kuti obo Mbwini; Jesu wa Cizuminano Cakaindi!

<sup>124</sup> Mbuli cindi bantu ba Chainizi niba kasika kusaanguna okuno, teba kali kukonzya kubala nanka kulemba mwaambo wesu, pele bakali basikusanzya zisana balemu. Elyo aboobo bakali kunga. . . Wa kali kunga waselemukila kusanzigilwa zisani kwa ba Chainizi. Wa kali kubweza buyo impa, ziniini zituba zibalangala. Ta kali kukonzya kubala cintu comwe, elyo wa kalizi nota kakonzya kucibala ikuti na kacilemba. Aboobo, cindi wa sika, wa kabweza buyo kapepa kakwe katuba kaniini, cintucimwi a bweende *obuya*, kwaamba, mpoonya awa, elyo wa kakazapula nzila imwi mbuli *boobo*. Lino, wa kupa kabeela komwe kakapepa, elyo wa kayobola kabeela kamwi kakapepa. Elyo mpawo cindi waaku jokela kukusanzya kwa zisani zyako, wa kati, “Andi bone kabeela kakapepa kako.” Elyo wa katubweza; ikuti na ka keendelana, kakali nkako. Wa kabweza zisani zyako zyakali atombe zyajoka kazisalala.

<sup>125</sup> Elyo Jesu wa keendelana a zisinsime zyoonse; bupange boonse bwa Jehova wa Cizuminano Cakaindi ngu Jesu wa Cipywa. Wa keendelana a zintuzyonse.

Anda ambe ceeci a buyoofu a bulemu bwabuleza, pele luyandisyo, pele kusinzya kuziba awo Mpe imvwi. I Mulumbe wa oora eli weendelana a zintuzyonse Bbaibbele nco lya kaamba zya oora eli. Lino, ikuti ujisi zisani zila tombe, ko zinjizya. Uh huh. Sena wakasamba mu Bulowa bwa Mwanaambebele?

<sup>126</sup> Amubone, “kubweza mause Akwe,” nkaambo Wa kali Ijwi lyakasimpikizigwa. Mbuli kaindi, mbo cibede lino, Ngu mbobuca nguwenya, sunu, amuya myaaka. Bahebrayo 13:12 a 13. Tu jana Bahebrayo . . . 8, 13:8, ayalo. “Kubweza kuusa Kwakwe,” kwa Makanimabotu.

<sup>127</sup> Kubweza Zina Lyakwe! Wa kati, “Nda kaboola mu Zina lya Taata Wangu.” Ino Zina lya Taata nguni? Wa kaboola mu Zina lya Wisi Wakwe. Kati, “Nda kaboola mu Zina lya Taata Wangu nkabela tee mwaka Ndi tambula.” Ee? Ndi Zina nzi lya Taata? Ndi yeeyela kuti mweelede kuziba. Mwabona?

Kubweza mause aa Ijwi. Lyoonse lyakali kubwezwa kuzwa ku zilawo zyabo. Ba ka Li tanda. Muyo sekwa, a kusabulwa.

128 Elyo, sunu, oko Nkwe katalikila ciindi ciimwi kulanduka cisi. . . Kutali kwaamba lwangu; akaka muta yeeyi kuti nca mugame. Pele, ciindi cangu cili manide, alimwi Ndi jisi mapeegi atandila ku kkumi awa. Inga mwabona eco cisyeede awa, mwabona, mwabona, ncibotu, ca bulembo. Pele, amuswiilile. Kusaanguna kwa katalika. . .

129 Sena mwakabona Jesu cindi Na katalika kusaanguna? “Oh, Rabi mukubusyi. Oh, Wa kali Muntu mubotu loko! Kobooola ku lubazu lwesu. Kobooola uzo tukambaukile.”

130 Pele buzuba bumwi Wa kakkala a mbabo, elyo Wa kati, “Mwa talya mubili wa Mwana wa muntu, a kunywa Bulowa Bwakwe, ta mukwe Buumi muli ndinywe.”

131 Ino muyeeya nzi madokotela a basyabupampu iba bbunga mboba kayeeya? “Oyu Muntu ngu sindyabantu.” Mwabona? “Walo uyanda kuti munywe bulowa bwa bantunsi. Eci caindila maningi kuli ndiswe. Amuzwe kuli Nguwe. Ba. . . bapaizi bakati Wa kali nyongene; Nda kusyoma.” Elyo Bbaibbele lya kati bakeenda kuzwa.

132 Mpawo Wa kananikide bakambausi bali makumi ali ciloba. Elyo Wa kati, “Nse konzyi kuba a mbabo.”

Aboobo Wa kalanga koonse kuli mbabo, Wa kati, “Muyo amba nzi cindi mwa kubona Mwana wa muntu katanta kuya ku Julu oko Nkwa kazwida?” Lino, Taakwe nakapandulula zintu ezi. Wa ka zisiya buyo zilikke. Mwabona?

133 Elyo ba kati, “Mwana wa muntu? Inzi? Tu lalya a Muntu. Tu lazela nswi a Nguwe. Tu laona a nkomwe a Nguwe. Twa kabona kalo kakuzunzya Mwa kali kuliyuumba. Tuli bazi banyina Bakwe. Tu lizi munyina Wakwe. Nguni ukonzya kutambula cintu mbuli Ceeci?”

Elyo Bbaibbele lya kati, “Teba kacili kweenda limbi a Nguwe.”

134 Mpawo Wa kavuulukila kuli Petro a bamwi babo, kati, “Nda kasala bali kkumi ababili, nywebo bali kkumi ababili.” Lino, kuzwa ku zyuulu, Wa selemukila kuli bali kkumi ababili. Wa kati, “Nda kasala bali kkumi ababili. Mpawo, umwi wanu ngu dyabulosi. Ndili muzi, kuzwa kumatalikilo.” Wa kati, “Lino sa muyanda kwiinka a mbabo?”

Ta keelede kuba bebeka a kukombelela, a, “Ndiyo kubamba kuba daikona na wasangana mbungano yangu.” Mwabona? Taakwe tuleba twa kunona. Taakwe akwalo na kacipandulula. Abalo basikwiya teeba kakonzya kucipandulula.

Pele, mula yeeya, Wa ka baambila buyo, “Nda kalimuzi kuzwa ku malengelo aa inyika. Nda kamusalila kuyo tambula lutangalo antoomwe a Ndime.” Mwabona? Nceeco we, “kuzwa ku malengelo aa inyika,” kakanzwa.

135 Baapostolo abo bakaima awo canguzu buyo. Teba kakonzya kupandulula nzila mbo bakali kuno yoolya mubili Wakwe a kunywa Bulowa Bwakwe. Teeba kakonzya kumvwisya obo Mbwa kasola kuseluka, kakuli Wa kali nkoonya kuya a mbabo ciindi coonse. Ta kakonzya kucipandulula. I bantu teeba kakonzya kucipandulula. Kwiina umwi wa kakonzya kucipandulula.

Pele Petro wakabamba majwi ayo mapati. Ta cigambyi kuti Wa kamupa zijaluzyo. Wa kati, “Mwami, nkuulini nko tu konzya kuunka? Twa kalamwa. Tu lizi kuti Yebo, alimwi Yebo luzutu, uli kusimpikizigwa kwa Ijwi lyakasyomezegwa sunu. Tu lizi kuti Yebo luzutu nduwe ujisi Ijwi lya Buumi. Ta tukonzyi kupandulula zintu ezyo, pele tula Li syoma, nekuba.”

136 Marta muniini kati, “Mukwesu uli fwide. Uli lede mu cuumbwe. Uli bolede; ula nunka. Mwami, ikuti Ne wakali kokuno, mukwesu nata kafwa pe. Pele akwalo lino, kufumbwa cintu Nco lomba Leza, Leza uyo cipa kuli Nduwe.” Oh, ma!

137 Wa kati, “Ndime bubuke a Buumi. Oyo uusyoma muli Ndime, nekubakuti wakali fwide, kwalo uyo pona. Kufumbwa muntu uupona a kusyoma muli Ndime, ta kafwi pe. Ulasyo ma obu na?”

138 Waa kati, “Inzya, Mwami. Nse konzyi kucipandulula, pele Nda cisyoma. Nda syoma kuti Nduwe Kristo wa keelede kuboola mu inyika. Nda syoma, ku Lugwalo luzizilwe, kuti Ula kkwanya zyeelelo zya Ndulo.”

139 Kati, “Nko kuli nkomwa kamuzikkila?” Oh, ma! Cintucimwi ceelede kucitika. Mavwili oonse alimu kuboola antoomwe ncobeni ku ciindi ceelede. Mwabona?

140 Wa kaselemukila ku cuumbwe. I Bbaibbele lya kati, “Kwiina bubotu mbo twe elede ku Mu yandila.” Antela Mulombwana muniini, wa makuko adiimene, wakaima a makuko maniini akayabaala, kakatede a kudekela kuzwa ku kweenda.

Wa kati, “Lazaro, ko buka!” Elyo muntu wa kafwide, kwa mazuba one, wakaima ku matende akwe.

141 Mwanakazi wa Kristiani Sayaansi. Mundi jatile ikuti na Nda cisa kulimvwa kwanu; Nse kanzi kucita. Mwanakazi wa Kristiani Sayaansi, kuzwa nkoonya ku mbungano, kandi swaana kubusena kuya buzuba bumwi. Elyo waa kati, “Ba. Branham,” waa kati, “Nda botelwa kukambauka kwanu, pele kuli cintu comwe nco mwiindizya kucita aali nco!”

Nda kati, “Ncinzi eco?”

Kati, “Yebo undaizya maningi aali Jesu.”

142 Nda kati, “Nda syoma nku koonse Nkwa jisi kulwana ndime.” Mwabona? Mwabona? Mwabona?

143 Waa kati, “Yebo Umu bamba Sibuleza.” Mwabona, taba syomi kuti Wa kali Sibuleza. Ba syoma kuti Wa kali muntu buyo,

mwiiyi mubotu, silwiyo lwa bulenge boonse. Kati, “Yebo Umu bamba kuba Sibuleza. Kakuli Ta kali Sibuleza.”

<sup>144</sup> Nda kati, “Oh, iiyi, Mbwa kabede.”

Waa kati, “Ikuti na Nda tondezya kuli nduwe, kwiindaku Bbaibbele lyako lini, Tali Sibuleza, sa uyo cisyoma?”

<sup>145</sup> Nda kati, “Bbaibbele Lyangu lyaamba boobo, Nda—Nda syoma Ijwi. Oyo Ngo Nguwe Mbwa bedede.”

Elyo waa kati, “Mu Musalali Johane, cipati 11, cindi Jesu naka selemukila ku cuumbwe ca Lazaro, Bbaibbele lya kati Wa kalila.”

Nda kati, “Ino cijisi nzi cakucita a ncico?”

Waa kati, “Ee, eco cakatondezya kuti Ta kali Sibuleza.”

<sup>146</sup> Nda kati, “Wa kakacilwa buyo kuziba Oyo Muntu kuteeti wakalini. Wa kali kobilo Leza a muntu. Elyo mbuli muntu, kalila, kakuli Wa kali kulila nkambo ka buusu bwabo. Pele cindi Na kaima a kuti, ‘Lazaro, ko buka,’ elyo muntu waka fwide, kwa mazuba one, wakaima ku matende akwe alimwi, oyo wakali kwiindilila kuba muntu.” Iiyi, munene! Iiyi, ncobeni!

<sup>147</sup> Elyo kanjikanji Nda kaamba bwaambe, cindi Na kaseluka kuzwa ku cilundu busiku obo, kafwidenzala, Wa kali muntu. Waka fwide nzala cifumo cakatobela. Wa kali muntu. Pele cindi Na kabweza tubbisiketi tobilo a nswi zyosanwe, a kusanina bali zyuulu zili musanu, kabwezelela zisuwo zili ciloba, oyo wakali kwiindilila kuba muntu. Iiyi, munene. Wa kali muntu, a ciingano, cindi Na kakwiila, “Leza Wangu, Wa Ndi siya na?” Cindi Na kakwiila, “Ko Ndi pa cakunywa,” elyo baka Mu pa viniga a ndulwe, Wa kali muntu, kalila. Pele aa cifumo ca Pasika, cindi Na kanamatula cinamatizyo coonse ca lufu, gehena, a cuumbwe, a kubuka, Wa kali kwiindilila kuba muntu.

<sup>148</sup> Wa kali muntu busiku obo, kalede kusule lya kaato kaniini oko Nkwa kabede oko a basikwiya, nkabela madaimona ali zyuulu zili kkumi amu lwizi aka konkezya kuti inga ayo Mu dumpukizya. Uh huh. Kubusena kuya mu bwaato buniini bwakaindi, mbuli mbilibili kubusena okuya, mbuli boobo; Wa kali katede loko, tekwa ka Mu sinsimuna. Wa kali muntu cindi Na kali koono. Pele cindi Na kabikka cituta Cakwe aa moombe wa kaato, mpawo wakalungumana a kuteeti, “Luumuno, kalu ciliko,” elyo myuuwo a mayuwe aka Mu swiilila, oyo wakali kwiindilila kuba muntu. Wa kali Leza!

Ta cigambyi sikuyabila wa kati:

Kupona, Wa kandi yanda; mukufwa, Wa kandi futula;

Kazikkwa, Wa katola zibi zyangu kulaale;

Mukubuka, Wa kalulamika cabuyo  
 kwalyoonse;  
 Buzubabumwi Ula boola, O buzuba  
 bwabulemu!

149 Iiyi, munene! Kuya kwiindiilila cilawo. Ta ndikwe ndaba nco citolela.

Ciingano eci cakasalazigwa Njo bweza  
 Mane lufu luka nda ngulule;  
 Mpawo kuyaku Muunzi, kuyo sama musyini,  
 Nkambo kuli musyini wangu.

150 Kujala, Ndiyo amba eci. Nda kali kubala kaano ciindicimwi cainda, ka mubetesi. Wa kali muntu uululeme, muntu mubotu, wakali kuyandwa. Elyo kwakali nkamu ya bantu mu muunzi abo bakali kuyeyya kuti bakali kukonzya kucita cili coonse kakutakwe kusubulwa, aboobo, bakali jisi kunji, aboobo ba kajula ng'anda ya mpuwo mbi, kweendelezya cintoole ca bukoko, bukoko, zintuzyonse mbuli ezyo. Tee kwakali mu mulao. Elyo ba kajatwa ku mulao, muntu wa mfulumende, nkabela ba kaletwa ku nkuta. Elyo cindi bantu boonse ba munzi, munzi muniini waka bungana mukati, ba kalizi kuti muntu oyo wakacita zintu zinji koonse okuya, muntu wakali kweendelezya busena bwa mpuwo mbi. Elyo ba—ba, bakosola twaambo, baka jana muntu a mulandu, nkaambo wa kajatwa antangalala. Elyo aboobo mpawo mubetesi wakamujana mulandu, a kumwaanga mpawo kwa myaka minji loko, kakutakwe kubbadela kwangululwa, kakutakwe kutola ambele na cili coonse, wa kamutuma, nkaambo mbombubo mulao mbowa kabala.

151 I bantu aanze lya nkuta baka mubungilila, a kuteeti, “Yebo ulizi cintu na? Bantu boonse mu dolopo eli bala kusulaika!” Kati, “Bala kusulaika mukupanga muzeezo oyo aa muntu oyo.” Boonse bakali basikuuma njuka, lwabo. Elyo kati, “Swebo—swebo toonse tula kusulaika. Ta tuka kusali alubo. Ta kukabi umwi wesu uyo kuvootela,” kaba muweelela mbuli mbwa kaselemuka kagwagwa.

152 Wa kaima kwakaindi buyo kaniini, kati, “Anda ambe ijwi.” Wa kati, “Nda kacita mbubonya mbuli wakali mulimo wangu. I muntu wakajanwa mulandu, takukwe makani obo mbwa kabede. Elyo Nda kacita ku mwaanga mbuli mulao oyo Ngwe kakonkezya kuti Njo uzwidiliza.”

Wa kati, “Yebo ulasulaikwa mu dolopo eli!”

153 Wa kati, “Pele Nda yandwa kapatu ku muunzi, a bantu bangu.”

154 Inga twa yeeya cintu nciconya, ikuti na muyo jatila bwaambe. Nda kaimina eco Nce kafutwidwa kucita, kuzwidiliza eli Ijwi lya Leza. Ndi lizi tubungwe tula ndisulaika

ku zintu Nze amba, pele Nda yandwa kapati ku Ng’anda Yakwe, akati ka bantu Bakwe.

Atu kombe.

<sup>155</sup> Mwami Jesu, inga twa sulaikwa ku inyika, pele kuyandwa kwa Taata. Ko tugwasya, oyandwa Leza. Ko gwasya bantu aba, kutegwa umwi aumwi wabo, Mwami, kutegwa zilongezyo Zyako zika kkale ali mbabo. Atu unke kwiindilila cilawo lino. Atu unke kwiindilila kuyeeya kwesu kwini. Atu unke kwiinda ku kuyeeya kwa Leza. Alimwi Bbaibbele lya kaamba eci, “Amu lekele muyeeyo oyo wakali muli Kristo ube muli ndinywe.” Aboobo atu yeeye miyeeyo Yakwe, kutali kuyeeya kwesu kwini, nkaambo ziindi zinji tuli lubide. Aboobo, kuba masimpe, lekela muyeeyo Wakwe ukkalilile muli ndiswe. Elyo muyeeyo Wakwe wakali wa kucita luyando lwa Taata, alimwi luyando lwa Taata ndi Ijwi Lyakwe lyakasyomezegwa.

<sup>156</sup> Atu unke kwiindilila cilawo, sunumasiku, Mwami, a kujana Jesu. Ta tuka Mu jani kwiinda mukusangana mbungano. Ta tuka Mu jani ku kusukana maanza a mukutausi umwi, na—na kusaina kansiyansiya kamwi, na cintucimwi eco ncotu syomezeya, kuya ku cikolo ca Munsondo mazuba manji loko kuzwa mu mwaka, a zimwi zimbi. Tuyo Mu jana mu Ijwi, nkaambo Walo ndi Ijwi.

<sup>157</sup> Elyo mbuli mbo tu bona buzuba buno bwaka syomezegwa, kuti Uyo oba aanze lya cilawo, katandwa alubo; lino atu unke kwiindilila cilawo, katuli bambilide kuyumuna masampu Akwe; kusulaikwa a inyika eyi, pele kuyandwa a Umwi Oyo waka tutambila ku Cilawo. Ko cipa, Mwami.

<sup>158</sup> Ikuti kuli baabo ano bata Mu zyi, alimwi tabana kuunka kwiindilila cilawo ca bumembala bwa mbungano, nekubaboobo uli taminina kuba Munaristo. Pele cindi wati, “Zintu ezi, Nda syoma, nzya buzuba bumbi,” eco citondezya kuti taukonzyi kuba Muuya Uusalala.

Mbobuti muntu mbwa konzya kuzuzigwa Muuya Uusalala kusola kubbizigwa kubelesya zina lya “Taata, Mwana, Muuya Uusalala”? Kakuli, Paulo, muapostolo mupati, kati, “Ikuti na Angelo wazwa ku Julu. . .” Antela mwa kacicita, cindi cimwi, muku taziba lwandaano luli loonse. Bantu abo baka kucita, muku taziba lwandaano, mu Incito 19. Pele kati, “I angelo ukambauka kufumbwa cintu candeene, walo a tukwe.”

Mbobuti mbo mukonzya kuzumina kansiyansiya kamwi, na kalengwa kamwi kabuzumini, cintucimwi cimbi, kakuli Bbaibbele lya kati, “I cisyomezyo cili kuli ndinywe,” cintu eci nciconya, “lubbizyo lwini lwa Muuya Uusalala”?

<sup>159</sup> Mbobuti Muuya Uusalala, oyo wakalemba Ijwi, kauli muli nduwe, kukaka Ijwi? Mbobuti mbo Unga wakaka, kakuli nguwenya Muuya Uusalala Lwawo wa kati, “Ikuti na kufumbwa muntu aka yungizye ijwi lyomwe kuli Eli, na kugusya kufumbwa cintu kuzwa kuli Ndilyo, Ndiyo gusya cibeela cakwe kuzwa

ku Bbuku Iya Buumi”? Mbobuti Muuya Uusalala mbo ukonzya mpawo kugusya kufumbwa cintu ku Ijwi, na kuyungizya kufumbwa cintu ku Ijwi?

<sup>160</sup> Mweenzuma wangu, kobilo okuno a ku bantu batalibonyi oko teepu nkoiya kwiinka, batalibonyi kuli ndiswe lino, amuleke eco cinjile kusakana mu moyo wako kuzwaku Mulumbe wa cifumo cino aa kuyiisya, mukubona mpo tubede. Ikuti na tona solede kubweza malailile abusilike aya Nge kanana kaindi kainda, sa toko atambula? Tuli waano kucita zintuzyonse nzo tukonzya kuli nduwe, ku kugwasya.

<sup>161</sup> Ndime kamboni buyo. Ndime sikweendelezya buyo wakusala. Mbuli mbo tu jisi mu Louisville lino, i—i Muswaangano mupati wabana Demokrati wamu Kentucky, i...Bali mukuyaka mbaakani ya muntu wabo kuti asalwe. Ndili mukuyaka ambebo mbaakani ya Mwami wangu. Sa toko Mu tambula, sunumasiku, mbuli wako wini?

<sup>162</sup> A mitwe yesu kiikoteme, a myoyo yesu, ayalo, mu kaindi aka, mwalombwa mutambike buyo maanza anu a kwaamba kuli Leza. Kutali kuli ndime; Ndi muntu buyo. Amutambike maanza anu kuli Leza, kwaamba, “Leza, koba siluse kuli ndime. Nda ziyanda ncobeni zintu ezi zyoonse nze Nda mwwa. Ndi yanda kuunka kwiindilila cilawo. Ta ndikwe ndaba eco umwi ncaamba.” Leza amu longezye. Ma, ku maanza, ku maanza! “Ndi yanda kuunka anze Iya cilawo. Tacikwe makani nco cinditolela, Njobweza ciingano cangu a kuyumuna mazuba oonse. Njo unka kwiindilila cilawo. Takukwe makani eco bantu nco baamba kujatikizya ndime, Ndi yanda ku Mu tobela kunze Iya cilawo. Ndili libambilide kuunka.”

<sup>163</sup> Taata Wakujulu, Wa bona maanza ayo. Ndiza bantu bali mwaanda, na baina, mu buyake, batambika maanza abo. Mwami, nceeci Cintucimwi munsu Iyabo lino, Muntu uumbi, Muntu muciiimo ca Kristo, uatalibonyi ku liso Iyakunyama, alimwi wabapa kubamba muzeezo. Mu buumi bwabo bwini, ba lizi mbuli mbo balanga mu ciboniboni, bala bona kuti kuli cintucimwi citako. Elyo bayanda maumi abo kubambululwa mbuli ku cisyomezayo ca Leza, alimwi batambika maanza abo antoomwe akusinizya kusakene. Ko bagwasya, Mwami, ku mulyango mupati sunumasiku, kuciba cambelele. Akube kuti banjile cabubotu a bubombe. Ko cipa. Mbi Bako, Mwami. Kobeleka a mbabo.

<sup>164</sup> Lino, niba ta konzya kupanga muzeezo, niba tatambika maanza abo, kwakutakwe cintucimwi ciindakugambya. Ci tondezya kuti kuli buumi okuya kubusenabumwi. Nkambo, kweendelana a sayaansi, kukwela inga kwajitila aansi maanza esu. Pele kuli cintucimwi cauma muyeeyo wabo, caba panga kususya mulao wa kukwela a kubikka maanza abo ku Mubumbi

oyo waka baleta. “Iyi, Ndi yanda kuunka lweendo loonse. Ndi yanda kuunka kwiindilila cilawo, sunumasiku.”

<sup>165</sup> Mwami, ciziba cili bambidwe kale ku mulimo mutaanzi kwamana lweempo, mpawo kubbizigwa, alimwi cisyomezyo caku tambula Muuya Uusalala. Mu mazuba aya akumamanino, kwiita kujokela ku Lusyomo lutaanzi, malailile mataanzi abusilike! Tula bona bantu banji loko kabaleya kuzwa kuli Kristo, kabafwa ku malailile abusilike aya ambi akapangwa aabantu. Antela inga kabali babotu maningi lyoonse mu kabungwe kabo, pele, Mwami, Ndi—Ndi yanda malailile Ako abusilike.

Nduwe Dokotela wesu. Nkwali Dokotela. Nkolili bbona mu Giliadi. Nkwali Musilisi awa, sunumasiku, ku kuponya buntu boonse buciswa cibi, ku kuponya bube boonse bwakunyama. Dokotela mupati wa ziindi zyoonse, Mulengi mupati wa majulu a nyika, boola lino, walombwa Ucite, akati kesu, a kukanana kuli ndiswe. Mu Zina Iya Jesu Kristo.

<sup>166</sup> Kuciindi umwi aumwi nakomba mu moyo wakwe, “Mwami Jesu, ndi gwasye lino!” Elyo ikuti na tona bbizigwa, nkabela uli lamidwe . . . Te nda kambauka a lubbizyo. Pele walamwa kuti weelede kubbizigwa mu lubbizyo lwa Bunakristo, nzila luzutu eyo Munakristo uuli oonse . . .

<sup>167</sup> Ino kuti waboola kutala Kuya, a kubbizigwa mu nzila imwi imbi, nkabela nguwenya Jesu Oyo wa kati, “Nguni uyo zubula Ijwi lyomwe, na kuyungizya ijwi lyomwe, nguwenya cibeela cakwe ciyo gusigwa mu Bbuku Iya Buumi”? Jesu wa kaamba boobo. Elyo Wa kati, “Onse Magwalo ali nanikidwe alimwi aleelede kuzulila.” Lino uzyi bwandeene. Ino uyo citanzi kujatikizya ndulo?


<sup>168</sup> Ikuti na wa kajisi buyo kunyanyamukwa na cintucimwi! Nda syoma na kunyanyamukwa. Ikuti na wakazyana buyo mu Muuya, kaambaula mu myaambo! Nda syoma muli boobo, a mbebo. Pele ikuti na oko nko kusakana koonse, alimwi muuya wako muli nduwe ukwaambila kuta tobela Ijwi kakuli ulizi kuti Lili luleme, kuli cintucimwi cilubide ku muuya oyo. Ta uli Muuya Uusalala. Ta ukonzyi kuba. Mwabona, inga Wa ziba Ijwi Lyawo Lini. Uli zyi obo. Inga walibambila kuboola lino kuciindi notu komba.

<sup>169</sup> Jesu waku Nazareta, koswena lino a kukanana mu moyo oonse. Nda batuula kuli Nduwe. Akube kuti ba . . . Maanza aya onse, nzilumbo zya Mulumbe, Mwami, kuzwa kuli Nduwe, a Busyu Bwako bupati bwabulemu obo buli a ndiswe lino. Muntu uli oonse uupakamene ku Muuya inga waziba kuti Nkoli ano, kulimvwa oku kupati kwa kusetekana. Ko cipa, Mwami, ndyoonya lino, mu Zina Iya Jesu Kristo.

Lino a mitwe yesu kiikoteme.



<sup>170</sup> Ikuti na kuli baalumi ano banga bayanda kubbizigwa mu Zina lya Jesu Kristo, bayanda kweempwa, bayanda kujana lubbizyo lwa Muuya, kuli kaanda kajukide kulumwensi lwangu; banakazi, ku lulyo. Ku nooli muntu umwi mukati muya waku mulailila. Kuli zikobela zyalubbizyo zilindila, zintuzyonse.

<sup>171</sup> Lino, kuciindi notu kotamikide mitwe yesu, kwiimba. “Inga ndamvwa wangu . . .” Tu nomu swaanya. 

*KUYABUYA KWIINDILILA CILAWO* TNG64-0719E  
(Going Beyond The Camp)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa mu Nsondo mangolezya, Kunkumunamasamu 19, 1964, ku Branham Tabernacle mu Jeffersonville, Indiana, U.S.A., wakagusigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obu busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2018 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubeleseghwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)